

玉機微義

土

寧固齋

第二十七卷至第三十四卷

疾痺

眼目

腰痛

心痛

淋濁

牙齒

腹痛

頭痛

玉機微義

盡靜翁道三具遂詳閱

玉機微義卷之二十七

喉痺門

○論喉痺為火熱所致

原病式曰喉痺痺不仁也俗作閉猶閉塞也火主腫脹故熱客上焦而咽噎腫脹也

子和曰內經云一陰一陽結謂之喉痺王太僕曰一陰者手少陰君火心主之脈氣也一陽者手少陽相火三焦之脈氣也二脈並絡於喉氣熱則內結甚則腫脹腫脹甚則痺痺甚而不通則死矣夫推原十二經惟足太陽別下項其餘皆湊于喉嚨然內經何為獨言一陰



喉痺二種曰二言可
了者大是之
捷徑明教

一陽結為喉痺蓋君相二火獨勝則熱結正絡故痛且
速也予謂一言可了者火是也故十二經中言噤乾噤
痛咽腫頤腫舌本強皆君火為之也惟喉痺急速相火
所為也夫君火者猶入火也相火者猶龍火也入火焚
木其勢緩龍火焚木其勢速內經之言喉痺則咽與舌
其兩間耳然其病同於火故不分也後之醫者各詳其
狀強立八名曰單乳蛾雙乳蛾單閉喉雙閉喉子舌脹
木舌脹繻喉風走馬喉閉熱氣上行故傳於喉之兩傍
近外腫作以其形似是謂乳蛾一為單一為雙也其比
乳蛾差小者名閉喉熱結於舌下復生一小舌子名曰

木字訓意例而
可知四肢麻木類

子舌脹熱結於舌中舌為之腫名曰木舌脹木者強而
不柔和也熱結於咽喉腫透於外且麻且痒腫而大者
名曰纏喉風喉痺暴發暴死者名曰走馬喉痺此八種
之名雖詳若不歸之火則相去遠矣其微者可以鹹要
之而大者以辛散之今之醫者皆有其藥也如薄荷烏
頭僵蚕白礬朴硝銅綠之類也至於走馬喉痺何待此
乎其生死人反掌之間耳其取不誤人者無如砭針出
血血出則病已易曰血去陽出良以此夫昔予治一婦
人木舌脹其舌滿口諸醫不愈令以銖針小而銳者砭
之五七度腫減三日方平計所出血幾至盈斗又治一

男子纏喉風腫表裏皆係藥不能下予以涼藥灌於鼻
中下十餘行外以拔毒散傳之陽起石燒赤與伏龍肝
各等分細末之日以新水洒百遍三日熱始退腫始消
又嘗治一貴婦喉痺蓋龍火也雖用涼劑而不可使冷
服為龍火宣以火逐之火者烹飪之火是也乃使爆
於烈日之中登于高堂之上令侍婢携火爐坐藥銚于
上使藥常極熱不至大沸通口時時呷之百餘次龍火
自散此法以執行寒不為執病杆格故也大抵治喉痺
用針出血最為上策但人畏針委曲旁求瞬息喪命凡
用針而有針創者宜搗生姜一塊調以熱白湯時時呷

之則創口易合銅人中亦有灸法然痛微者可用病速
者恐遲則殺人故治喉痺之火與救火同不容少待而
經火鬱發之發謂發汗然咽喉中豈能發汗故出血者
乃發汗之一端也後之君子毋執小方而曰吾藥不動
臟腑又效於出血若幸遇小疾而獲効不幸遇大病而
死矣毋遺後悔可也

○論喉痺為傷寒所致

龐氏曰經云伏氣之病古方謂之腎傷寒謂非時有暴
寒中人伏毒氣於少陰經始衰不病旬月乃發脈微弱
法當因痛以傷非喉痺之病次必下利

謹按少陰傷寒二日病乃不自太陽傳也。因是經
不足而卒中寒寒邪抑鬱內格陽氣為熱上行於咽
門經會之處寒熱相搏而痛或成喉痺為醫不察脈
證虛實即用寒涼之劑攻治卒致殞沒而患者自謂
其分嗚呼冤哉殊不察少陰病咽痛及生瘡不能言
聲不出者藥用甘苦辛溫制其標病以通咽壅至若傷
寒伏氣內發咽痛兼下利清穀裏寒外熱面赤脈微
弱者用辛熱之藥改其本病以順陰陽利止則水升
火降而咽痛自無也。此非雜病一陰一陽結為喉痺
之比不可妄施針砭及寒涼之藥。且夫火熱之動為

病急速子和論治已詳然傷寒伏氣為病咽痛或腫
本陰寒厥甚遍熱上行其喉為痺遍熱下行必傷膈
血此標熱而本寒也。仲景自有治例故子和嘗之不
議若是則火熱喉痺腫甚者急用藥吹點或刺少商
合谷豐隆湧泉關衝等穴以解脈絡之結輕者內與
甘辛涼劑降火制其標本亦不可便用苦寒之藥改
治倘有內寒格熱為病吾恐反增其毒矣。

○論喉痺為痰飲所致

詳見痰飲門

○論喉痺為氣逆所致

咽傷痛手唯痺
宜詳別之

詳見氣門

論喉閉為風燥所因

陳無擇云風燥皆使喉痺咽腫則不能吞乾則不能嚥
多因飲啖辛熱或復嘔吐吹傷致咽系乾枯之所為也
與喉門自別又有懸門暴腫閉塞喉嚨亦如喉閉但懸
壅在上腭俗謂鶯羽又謂之鴛聚俗語聲訛不可不備
識

喉痺治法

吹點藥

濟生二聖散治纏喉風急喉痺

鴨嘴膽礬二錢半

白殭蚕炒去絲茸半兩

右為末每用少許以竹管吹入喉中

白礬散治急喉閉

白礬三錢

巴豆二箇去殼作六瓣

右將礬於鉢內慢火熬化為水置巴豆其內候乾

去巴豆取礬研為末每用少許吹入喉中立愈

楊氏一字散治時氣纏喉風漸入咽塞水穀不下牙關

緊急不省人事者

雄黃研

錫梢

白礬括

荊芩

猪牙皂角 各等分

右為末每用一豆大鼻內噴入立効

三因玉鑰匙治風熱喉閉及纏喉風

煇硝一兩半 鵬砂半兩

腦子一字

白殭蚕一錢

右研勻以竹管吹半錢許入喉中立愈或加雄黃

二錢名金鑰匙

○宣劑

三因解毒雄黃丸治纏喉風及喉痺卒然仆倒失音不出聲或牙關緊急者

雄黃一兩

巴豆十四箇

鬱金一錢

右研醋糊丸如棗豆大熱茶清下七丸吐出頑涎

即甦省未吐再服至如死者亦以物斡開口灌之

下咽無有不活者吐洩此小不妨

丹溪方用射干汁和逆流水吐之 又用燈火油脚吐

之 又用桐油以鷓鴣探吐之

○治熱之劑

局方龍腦雞蘇丸治上焦熱咽腫噎痛 方見熱門

澹寮牛蒡子散治風熱上壅咽喉腫痛或生乳蛾

牛蒡子 研

玄參

升麻

桔梗

犀角

黃芩

木通

甘草

各等分

右吹咀每半兩水煎入生姜二片

三折卷之二十一
喉痺
拔萃桔梗湯治熱腫喉痺

桔梗

甘草

連翹

梔子

薄荷

黃芩

右為吹咀入竹葉煎

百一選方治咽喉腫閉

山豆根洗淨新汲水浸少時

右以一塊入口中含之嚥下苦汁未愈再用

治火之劑

局方碧雪

涼膈散

方並見火門絳雪見下

御藥院麝香朱砂丸治咽喉腫閉或作瘡或舌根腫痛

者

馬牙硝

生用

白霜

三錢

鵬砂

二兩

龍腦

三錢

寒水石

洗一

麝香

二錢

朱砂

一兩半

茸草

十兩

右研極細用膏子和丸如桐子大朱砂為衣每含

化一二九一法減鈔霜麝茸草只五味名絳雪散

龍麝聚聖丹治心脾客熱毒氣攻衝咽喉腫赤疼痛或

成喉痺或結硬不消愈而復發經久不差或舌本腫脹

滿口生瘡

川芎

一兩

生地黃

犀角屑

羚羊角屑

南曉珀

南玄參

連翹

各半兩

人參

赤茯苓

馬牙硝

腦子

麝香各三錢

桔梗

升麻

鈔白霜各兩牛黃

朱砂各研二錢

南鵬砂研一兩

金箔五十片

右為末煉蜜為丸每兩作十九金箔為衣以薄荷

湯化下或細嚼或含化之

按已上諸方有輕重之分宜隨證選用

○治風之劑

局方如聖勝金錠子治咽喉急閉腮頰腫痛并單蛾雙乳蛾結喉重舌木舌並皆治之

硫黃細研

川芎

鵬茶

薄荷葉

川烏炮

硝石

生地黄各等分

各石為末用生葱汁搜和為錠每服先用新汲水

灌漱次可嚼薄荷五七葉却用藥一錠同嚼極爛

以井花水嚥下如甚者連進三服并含之即安

本草方利膈湯治脾肺有熱虛煩上壅咽喉瘡腫

薄荷葉

荆芥穗

防風

桔梗

人參

牛蒡子炒

甘草各等分

右以咀每半兩食後水煎服

○治寒之劑

仲景半夏湯治傷寒寒熱相搏咽痛或聲不出者

王機卷之二十七
半夏

桂枝

甘草炙等分

右以咀每七八錢或半兩水煎放冷細細嚥之

按本論咽中傷生瘡不能言聲不出者少陰證用苦酒湯或桔梗等方皆可選用

三因蜜附子治腑寒咽閉吞吐不利

大附子一箇去皮臍切作大片蜜塗炙令黃

右每含嚥津其味盡更以附片塗蜜炙用

○治痰之劑

王隱君礞石滾痰丸治痰熱咽噎腫痛不利

桔梗半夏湯治痰氣不降咽腫欲成喉痺者

方並見痰飲門

三因玉粉丸治寒痰壅結咽喉不利語聲不出者

半夏

洗半兩 草烏一字炒桂一字

右為末生姜自然汁浸蒸餅丸如雞頭大每大人

一丸至夜含化多年不愈亦有效針經中說寒氣

客於會厭卒然如啞此藥主之

王機微義卷之二十七

王機卷之二十七

吳軍月

乙

王機微義卷之二十八

淋閥門 小便不禁附

胞痺附

○淋閥脈證

脈經曰少陰脈數婦人則陰中生瘡男子則氣淋熱結下焦則令人淋閥不通淋之為病小便數如粟狀小腹弦急痛引臍中

○論淋證主熱

原病式曰淋小便澀痛也熱客膀胱鬱結不能滲泄故也或曰小便澀而不通者為熱清氣不禁者為冷豈知熱甚客于腎部下於足厥陰之經廷孔鬱結極甚而氣

血不能宣通則痿痺而神無所用故液滲入膀胱而旋
溺遺失不能收禁也經云自得血而能視臟得血而能
液腑得血而能氣夫血隨氣運氣血宣行則其中神自
清利而應機能為用矣又靈樞經曰腎主二陰然水衰
虛而怫熱客其部分二陰鬱結則痿痺而神無所用故
溲便遺失而不能禁止然則熱證明矣是故世傳方論
雖曰冷淋復用榆皮黃芩瞿麥茯苓通草雞蘇郁李仁
梔子之類寒藥治之而已其說雖妄其方乃是因不明
氣運變化之機宜乎認是而為非也或謂患淋而服苗
香益智骨石醇酒溫藥而愈者然則非冷歟不知此皆
利小便之要藥也蓋醇酒益智之性雖熱而苗香之性
溫滑石之性寒所以能開發鬱結使氣液宣通執散而
愈也

按此只是論熱因處治然寶鑑曰小便不利其治有
三不可槩論津液偏滲於腸胃大便洩瀉而小便澀
少者宜分利而已熱傳下焦津液則熱熱而不行者
必滲泄則愈脾胃氣澀不能通調水道下輸膀胱而
化者故可順氣令施化而出矣可見非止於熱因也
况有標本不同有論見後大抵三因謂大率有五者
總病機言也以氣為本者氣行而水自化也亦氣血

父得燥熱而子受病

服下藥食物
壓之例說

之謂然有得之於胎氣者丹谿云鄭憲使子年十六
生七箇月後得淋病五七日必一作其發則大痛水
道下如漆和粟者一盞方定脈之輕則瀆重則弦視
其形瘦而長色青而蒼意其必因其父服下部藥遺
熱在胎留於子之命門而然遂以紫雪和黃柏末丸
如梧子大晒及乾熱湯下百丸半日又下二百丸食
物壓之又半日痛大作連腰腹水道乃行下漆和粟者
碗許痛減十之八後張子中與陳皮一兩結梗木通
各半兩又下一合許而安父得燥熱尚能病子况母
得之者乎書此以證東垣紅絲瘤之事婦人門

論淋溢主寒

寶鑑曰痺論云胞痺者小腹膀胱按之內痛若沃以湯
溢於小便上為清涕夫膀胱為州都之官津液藏焉氣
化則能出焉今風寒濕邪客於胞中則氣不能化出故
胞滿而水道不通其証少腹膀胱按之內痛若沃以湯
溢於小便以足太陽經其直行者上交額上入絡腦氣
下灌於鼻竅則為清涕也

按此則知淋闕有寒熱之殊大抵人之所稟虛實受
病不同宜參脈理分治

論淋闕分三因

清涕之源

罷皮解切休
又音極

陳無擇云淋古謂之瘖名稱不同也瘖者罷也淋者滴也古方皆云心腎氣鬱致小腸膀胱不利復有冷淋濕淋熱淋等屬人所因既言心腎氣鬱與夫驚思恐憂即內所因况飲啖冷熱勞室勞後及乘急忍溺多致此病豈非不外因也大率有五曰冷曰熱曰膏曰血曰石五種不同皆以氣為本

嚴氏曰五淋氣石血膏勞是也氣淋為病小便澁常有餘瀝石淋莖中痛尿不得卒出膏淋尿似膏出勞淋勞倦即發痛引氣衝血淋遇熱即發甚則溺血候其鼻頭色黃者小便難也大抵此證多由心腎不交積蘊執毒

或酒後房勞服食熱燥七情鬱結所致瘖閉淋閉為病皆一類也

按此云五淋名各不同故兩存之然石淋世俗又名沙石淋子和曰世人多為服金石燥熱之劑得之常見農家有此證豈是服金石之人也大抵是膀胱畜熱而成此疾如湯瓶久在火中煮籠底白碱而不能去沙石淋之證與此理同其論最為得矣內經云少腹熱洩出白液亦甚似之也

○論小便不利氣病血病之異

發明曰難經云脉有關有格何謂也然關則不得小便

石淋一証必非服金石之人之病

格則吐逆關者甚熱氣格者甚寒之氣是關無出之
由故曰關格無入之理故曰格也按寒在胸中邊絕不
入熱在下焦填塞不便內經曰人迎大四倍於氣口名
曰格氣口大四倍於人迎名曰關關則不得小便格則
吐逆夫小便者是足太陽膀胱所主長生於申申者西
方金也故金能生水金者肺也肺中伏熱水不能生是
絕小便之源也人輔相天地膀胱之源自頭項下至於
足故曰陽中之陰如渴而小便不通者不得降是也故
聖人立法皆用清燥金之正化氣薄之藥茯苓猪苓澤
瀉琥珀燈心通草車前子瞿麥菡萏之類皆為淡滲之

藥能瀉肺火而清肺金滋水之化源也若熱在下焦是
絕其流而溺不泄也須用氣味俱厚陰中之陰藥治之
長安王善夫病小便不通漸成中滿腰大堅硬如石壅
塞之極腿腳堅脹裂裂出黃水雙睛凸出晝夜不得眠
飲食不下痛苦不可名狀伊戚趙謙甫諸余求治視歸
從夜至旦耿耿不寐究記素問有云無陰則陽無以生
無陽則陰無以化又云膀胱者州都之官津液藏焉氣
化則能出矣此病小便癱閉是無陰而陽氣不化也
凡利小便之藥皆淡味滲泄為陽止是氣藥陽中之陰
非北方寒水陰中之陰所化者也此乃奉養太過膏粱

積熱損北方之陰腎水不足膀胱腎室久而乾涸小便不化火又逆上而為嘔噦非膈上所生也獨為關非格病也潔古云熱在下焦填塞不便是治關格之法今病者內關外格之病悉具死在旦夕但治下焦可愈隨處以稟北方寒水所化大苦寒之味者黃柏知母桂為引用九如桐子大沸湯下二百丸少時來報服藥酒更如刀刺前陰火燒之痛溺如瀑泉湧出即具皆濕床下成流頰疔之間腫脹消散子驚喜曰大哉聖人之言豈可不徧覽而執二者也其証小便閉塞而不渴時見躁者是也凡諸病居下焦其不渴也二者之病一居上焦

病居上焦在血分者

在氣分而必渴一居下焦在血分而不渴血中有濕故不渴也二者之殊至易分別耳

傷寒少陰腎經絕則遺溲有視流

謹按或問肝主小便淋瀝今治法主腎何也然大凡病便數者多腎經氣虛而然淋瀝者有標本之分氣熱鬱結則膀胱津溢主約不利為本病小腹痛不得便下焦氣脉實而不利是客約不行為標病傷寒變極者遺溲直視是少陰腎先絕也故此三經干於下部為病非獨肝也或脾肺之氣不能通調水道下輸膀胱清氣不降皆能為癃閼腎氣虛而濁氣不升虛熱干於厥陰之終陰廷痿痺而神無所用乃旋溺類

三焦脉
安約正焦不痛
則不得小便
遺尿

數人老年來多有此患矣腎虛極則水涸火熾真氣散而死也或曰若久寡居之人病便數者豈腎氣虛之不為約乎然是金為火爍土為水濡腑臟兼体相資之道失濕熱甚而經脉縱緩亦成斯疾也觀先哲用腎氣丸等以收精氣之虛脫為養肺滋腎伐火導水使機關利而脾土健實之意是焉若全指為虛寒處治者是則一緊論也

○論小便不禁或癃為下焦虛實不同

內經曰胞移熱於膀胱則癃溺血膀胱不利為癃不約為遺溺注曰膀胱為津液之府水注由之然足三焦脉

實約下焦而不通則不得小便足三焦脉虛不約下焦則遺溺也靈樞經曰足三焦者太陽之別也並太陽之正入絡膀胱約下焦實則閉癃虛則遺溺

王海藏曰因有盧氏醫鏡見姜附石脂砂丹一藥味

數分兩皆同惟丹砂一味用伏火者及治病有差府治

者小便數而不禁怔忡多忘魘夢不已之不同耳其不

同者審而詳之乃得此之治法不差耳泛舉之言腎主

大便肝主小便淋洩難經云小腸為赤腸是面赤色及

便溺赤色者皆出心與小腸南方赤色顯於外也經言

下焦如瀆者正謂大小便也大便為陰為有形乃下焦

諸氣化者皆府
有形花皆藏

五藏為六府之用
六府為五藏之用

之下者也腎臟為病主大便不言大腸者明矣子行父
之道小便為氣所化乃下焦之高者也謂肝主小便淋
瀉亦是子行父道為腑病諸氣化者皆腑諸有形血化
者皆臟病所主此腑言膀胱病此二證俱在下焦則同
藥有形無形及在臟在腑有殊俱是丹田衰憊不言心
火者以其相火化行君之令故也細分之則膀胱壬水
勝丙小腸者是不傳陰則陰不病何為有形病此為陰
之體也為腑之用也天地陰陽互為體用以斯可見是
明五臟者為六腑所用六腑者為五臟所用明矣是有
形皆為傳陰也夫小便不禁是膀胱不約為遺溺此不

傳陰也是丹田胞絡受寒為壬所尅大抵諸腑皆盛有
形物有形病皆在腑貴其所來皆在臟也用伏火硃砂
者去其寒邪耳治法同者以其俱在下焦補諸無形同
在胞絡耳以其胞與腎相對有系相通故也腎主大便
肝主小便所治安得不殊

按此論遺溺為經虛之本病也然亦有悞服涼劑太
過而致者如東垣曰立夏前悞用白虎湯過多致遺
溺者宜溫藥升陽以解之是也故用藥者當審詳罰
無過之戒

謹按丹谿先生曰淋證多主於虛亦有死血作淋

五林卷之二十一
淋瀝門
者小便不通實熱者當利之因氣者宜吐之以提其
氣氣升則水自下蓋氣承載其水也痰多者用二陳
湯先服後吐痰氣閉塞者二陳加木通香附探吐一
男子病小便不通醫用利藥而加劇先生曰此積痰
病也積痰在肺肺為上焦膀胱為下焦上焦閉則下
焦寒澀如滴水之器必上竅通而後下竅之水出焉
乃必法大吐之吐已病如矢然此可見痿淋又不獨
主於經病也

淋瀝治法 小便不禁附

○治淋瀝之劑

金匱腎氣丸治腎虛小便淋瀝（婦人子淋）

方見補虛門

錢氏導赤散治心經蘊熱小便赤澀或成淋痛

方見熱門

局方五淋散治膀胱有熱水道不通淋瀝不出或尿如
豆汁或成沙石或如膏或熱拂便血

赤茯苓 六錢 赤芍 二錢 山梔子 二錢 當歸

甘草 各五錢

右吹咀每半兩入燈心水煎服

木事火府丹治小便赤少及五淋澀痛

木通一兩 黃芩一兩 生地黃二兩

右為末煉蜜丸如梧子大每五十丸木通湯下

濟生小蘗飲子治下焦結熱尿血成淋

生地黃 甘草 通草 滑石

小蘗根 山梔仁 蒲黃炒 當歸

藕節 淡竹葉

右等分為吹咀每半兩水煎空心服

琥珀散治五淋澀痛小便膿血

琥珀 海金沙 沒藥 蒲黃各研

右各一兩和勻每三錢食前煎草根湯調下日

二服

按已上諸方並血分藥也

局方八正散治小便熱淋澀痛

清心蓮子飲治小便濁或澀 方並見熱門

立効散治下焦熱結小便黃赤淋瀝疼痛或有血出

瞿麥穗一兩 甘草三分 山梔炒去皮半兩

右為末每五錢入葱白燈心姜前食前時時服

濟生地膚子散治諸病後體虛觸熱熱結下焦遂成淋

病小便赤澁數起少出

猪苓

地膚子

知母

黃芩

海藻

通草

瞿麥

枳實炒

升麻

葵子

右吹咀每半兩水煎入姜

按已上方又氣中之血藥也

海金沙散治小便淋瀝及下焦濕熱氣不施化或五種淋疾癢閉不通

海金沙

木通

瞿麥穗

滑石

通草

各半兩 杏仁去皮尖一兩

右為末每五錢水煎火燈心二十根

買鑑茯苓琥珀湯治小便數而欠淋澁脉沉緩時時帶

效

五苓散加琥珀半兩

滑石七分

甘草三分

右為細末每五錢長流水煎食前服

按已上方並氣分藥也

局方石菖散治膀胱有熱水道不通淋瀝不出臍腹急

痛

有時勞倦即發或尿如豆汁或出沙石

芍藥

白朮

滑石

葵子

當歸

瞿麥各三錢 石菖

木通各二錢

甘草

王不留行

右為末每二錢空心小麥湯調下

按此血中之氣藥也與已上並治熱之劑

并因生附散治淋而脉沉微小便秘澀數起不通竅中痛

附子

滑石 各半兩

瞿麥

木通

半夏 各一兩半

右為末每二錢入姜三片燈心二十莖蜜半匙水

煎食前服

按此治寒之劑也

○治痿闕之劑

東垣滋腎丸治下焦陰虛脚膝無力陰痿足熱不履地不渴而小便閉

黃柏

酒洗焙

知母

酒洗焙

肉桂

二錢

右為細末水丸如桐子大每服百丸加至二百丸

煎百沸湯送下

白花散治小便不通膀胱蘊熱

朴硝

右為末每二錢前苗香湯調下食前服

按已上並血分藥也

清肺散治渴而小便澀或黃或澁

五苓散加琥珀半錢 燈心一分 木通七分

通草一分 車前子炒一分 瞿麥五分 扁蓄七分

右為細末每五錢水煎食前服作湯亦可

紅林散治小便不通止喘

紅林黍根兩 扁蓄五錢 燈草 百根二寸長

右咬咀每五錢長流水煎服

按已上並氣分藥也

黃芩清肺飲治肺燥而小便不通

黃芩一錢 梔子三箇打破

右咬咀長流水煎服不利加鹽豉二十粒

滋陰化氣湯治因服熱藥過多小便不利諸藥不效或

臍下悶痛難忍

黃連 黃柏各炒 甘草 炙各等分

右咬咀每五錢水煎食前服如不通加知母

按此二方助陰藥也

○治胞痺之劑

千金方茯苓丸治胞痺小便內痛

赤茯苓 防風 細辛 白朮

附子炮 澤瀉 官桂各半兩 天花粉

紫苑

牛膝 酒浸

黃芪

芍藥

甘草

炙各三分

生地黃

山茱萸

山藥

獨活

半夏各一分

右為末蜜丸如梧子大每十九溫酒送下食前服

巴戟丸治胞痺臍腹痛小便不利

巴戟 兩半 心一

桑螵蛸 麩炒

遠志 去心

山芋

生地黃

附子 炮

續斷

肉蓯蓉 酒浸各兩

杜仲 炒

石斛

鹿茸 酥炙

龍骨

兔絲子 酒浸

山茱萸

桂 各二分

右十六味細末蜜丸如梧子大每三十九空心酒下

腎瀝湯治胞痺小腹痛急小便不利

麥門冬

木通

桔梗

桑白皮

杜仲 炒

犀角屑

五加皮 略一 赤芍 五錢

右吹咀每五錢水煎加羊腎一箇竹瀝少許

宣明腎著湯治胞痺證小腹痛膀胱按之內痛若沃以湯

澁於小便上為清涕不止者

赤茯苓

白朮 各四兩 甘草 炙三兩

乾姜 炮二兩

右為末每五錢水煎溫服日三

按此四方當分寒熱之異選使然腸痺亦有腹痛

泄小便秘澁者宣明論有證治例詳見本論又可見

小便不利非止胞痺為患也

治淋瀝不禁之劑

局方二氣丹治內虛裏寒膀胱積冷陽氣漸微小便不禁

硫黃研

肉桂各一分 乾姜炮

朱砂為衣各

附子一按大者炮去皮脂為末半兩

右為末糊丸如梧子大每五十丸鹽湯下食前服
姜附赤石脂朱砂丹治小便數而不禁怔忡多忘魘夢
不已

附子生

乾姜各半兩 朱砂一兩研

赤石脂一兩半

右為細末酒糊為丸如棗豆大每十五丸至二三
十九丸大便有病米飲下小便不禁茯苓湯下

按此二方助陽之劑也

御藥院方秘元丹治內虛裏寒自汗時出小便不禁

白龍骨三兩 訶子十箇 砂仁一兩 靈砂二兩

右為末煮糯米粥丸如梧子大每五十九空心鹽

酒下

按此固陽之劑也

濟生兔絲子丸治小便多或致失禁

兔絲子二兩 牡蠣版 附子炮

五味子

鹿茸

酒炙各一兩

茯苓

酒浸二兩

雞胫

炙乾

桑螵蛸

酒炙各

鹿茸

酒浸二兩

巴戟

去心

兔絲子

酒浸各

牛膝

酒浸各

右為末酒糊丸如梧子大每七十九空心鹽湯溫

酒任下

三因家韭子丸治下元虛冷小便不禁或成白濁

家韭子

六兩

鹿茸

四兩

茯苓

酒浸

牛膝

酒浸各

巴戟

去心

兔絲子

酒浸各

牛膝

酒浸各

熟地黃

當歸各二兩

巴戟

去心

兔絲子

酒浸各

牛膝

酒浸各

巴戟

去心

兔絲子

酒浸各

牛膝

酒浸各

杜仲

石斛

桂心

乾姜

地各一兩

巴戟

去心

兔絲子

酒浸各

牛膝

酒浸各

巴戟

去心

兔絲子

酒浸各

右為末酒糊丸如梧子大每百九空心湯酒任下

按此二方助陽滋陰之劑也

茯苓丸治心腎俱虛神志不守小便淋瀝不禁

赤茯苓

白茯苓

等分

右為末以新汲水掇洗澄去新沫控乾別取熟地

黃汁與好酒同於銀石器內熬成膏搜和丸如彈

子大空心鹽酒嚥下一丸

按此滋陰固真之劑也

○雜方

灌索桑螵蛸散治小便頻數或如稠米泔色

桑螵蛸

鹽水

遠志

菖蒲

鹽炙

龍骨

醋炙各

當歸

醋炙各

龍骨

醋炙各

當歸

醋炙各

龍骨

醋炙各

人參

茯苓

當歸

醋炙各

龍骨

醋炙各

當歸

醋炙各

龍骨

醋炙各

當歸

醋炙各

龍骨

醋炙各

當歸

醋炙各

右為末每二錢臨臥人參湯調服

五子丸治小便頻數時有白濁

兔絲子酒蒸家韭子炒 益智

茴香炒

蛇床子去皮炒等分

右為末酒糊丸如桐子大每七十丸米飲鹽湯任

下

治小便不通諸藥無效或轉胞至死此法用之便自出

用猪尿胞一箇底頭出箇小竅坵着翎筒通過坎

在竅內根底細線繫定翎筒口子細校子堵定上

用黃蠟封尿胞口頭吹滿氣七分繫定了再用手

捻定翎筒根頭放了黃蠟堵塞其翎筒放在小便

頭放開翎筒根頭手其氣透裏自然小便即出大

有神效

灸小便淋澁法

右以炒鹽不拘多少熱填滿病人臍中是神關穴

也却用勛頭大艾炷灸七壯良驗或灸三陰交穴

一法小水悶澁以猪膽連汁籠住小便少時汁入自出

婦人用藥末貯袋子安入陰戶中必通

王機微義卷之二十八

五藏卷之二十八

木月

十一

義卷之二十九

門

論目為血脉之宗

六腑精氣皆上注於目而為之精精之窠為眼骨之精
 為黑眼血之精為絡其窠氣之精為白眼肌肉之精則
 為約束裏顛筋骨血氣之精而與脉并為系上屬於腦
 後出於項中故邪中於項因逢其身之虛其入深則隨
 眼系入於腦則腦轉腦轉則引目系急目系急則目眩
 以轉矣邪中其精其精所中不相比也則精散則視歧

王機微義卷之二十九

眼目門

○論目為血脉之宗

內經曰諸脉者皆屬於目目得血而能視針經曰五臟六腑精氣皆上注於目而為之精精之窠為眼骨之精為黑眼血之精為絡其窠氣之精為白眼肌肉之精則為約束裏顛筋骨血氣之精而與脉并為系上屬於腦後出於項中故邪中於項因逢其身之虛其入深則隨眼系入於腦則腦轉腦轉則引目系急目系急則目眩以轉矣邪中其精其精所中不相比也則精散則視歧

故見兩物目者五臟六腑之精榮衛魂魄之所常營也
神氣之所主也故神勞則魂魄散志意亂是故瞳子黑
眼法於陰白眼赤脈發於陽故陰陽合傳而為精明也
目者心之使也心者神之舍也故神精亂而不轉茫然
見非常之處精神魂魄散不相得故曰惑也東垣曰夫
十五經脈三百六十五絡其血氣皆上走於面而走空
竅其清陽氣上散於目而為精其氣走於耳而為聽因
心煩事冗飲食失節勞役過度致脾胃虛弱心火大盛
則百脈沸騰血脈逆行邪害空竅天明則日月不明矣
夫五臟六腑之精氣皆稟受於脾上貫於目脾者諸陰

之首也目者血脈之宗也故脾虛則五臟之精氣皆失
所司不能歸明於目矣心者君火也主人之神宜靜而
安相火化行其令相火者包絡也主百脈皆榮於目既
勞役運動勢乃妄行又因邪氣所并而損血脈故諸病
生焉凡醫者不理脾胃及養血安神治標不治本是不
明正理也

按此論目為腑臟血脈精氣之宗至為詳悉豈但世
俗拘之於五輪八廓而已也

論目昏赤腫翳膜皆屬於熱

原病式曰目昧不明目赤腫痛翳膜皆為熱也及

治目疾之入心理中
養血安神
而治標
証而已說

目膜俗謂之眼黑亦為熱也或平白日無所見者熱氣
鬱之甚也或言目昧為肝腎虛冷者誤也是以妄謂肝
生于目腎主瞳子故妄言目昧為虛而冷也然腎水冬
陰也虛則當熱肝木春陽也虛則當冷腎陰肝陽豈能
同虛而為冷者歟或通言肝腎之中陰實陽虛而無由
目昧也俗妄謂肝腎之氣衰少而不能至于自也不知
經言熱甚目瞶眼黑也豈由寒尔又如仲景言傷寒病
熱極則不識人乃目盲也正理論曰由熱甚佛鬱於目
而致之然也若目無所見耳無所聞悉由熱氣佛鬱玄
府閉密而致氣液血脉榮衛精神不能升降出入故也

各隨鬱結微甚而有病之輕重也故知熱鬱于目無所
見也故目微昏者至近則轉難辨物由目之玄府閉小
也隔繻視物之象也或視如蠅翼者玄府有所閉合者
也或目昏而見黑花者由熱氣甚而發之於目元則害
承乃制而反出其泣氣夜昧之以其至近故雖微而亦
見如黑花也及衝風泣而目暗者由熱甚而水化制之
也故經言厥則目無所見夫人厥則陽氣并于上陰氣
并于下陽并于上則火獨光也陰氣并于下則足陰足
陰則脹也夫一水不勝五火故目昏而盲是以衝風泣
下而不止夫風之中於目也陽氣內守於睛是火氣燔

目疾、目赤、目昏、目眩、目翳、目癢、目痛、目腫、目爛、目眵、目淚、目紅、目黃、目青、目黑、目白、目赤、目昏、目眩、目翳、目癢、目痛、目腫、目爛、目眵、目淚、目紅、目黃、目青、目黑、目白

飲食不節

七情所動

三火上升

氣血虛安

痰熱

虛熱

脈金石燥熱

久病後

元精虛衰

右宮有虛火、辨宜分治

目故見風泣下

按此論熱甚怫鬱陰陽并厥玄府閉密致目病之由為詳蓋一主於火熱之化也若由飲食辛熱七情所動六氣滯鬱氣血虛實則東垣子和陳無擇輩論亦已詳然亦有痰熱濕熱與夫眼食金石燥熱之藥致者或久病後榮衛虛弱肝氣腎陰不足或元氣精氣虛衰及脫營為病皆有虛熱實熱之殊並宜分治

○論眼證分表裏治

機要曰在腑則為表當除風散熱在臟則為裏宜養血安神暴發者為表而易治久病者在裏而難愈

目疾之理
并治
暴之易難
之五別

○論目疾宜出血最急

子和曰聖人雖言目得血而能視然血亦有太過不及也太過則自壅塞而發痛不及則目耗竭而大明故年少之人多太過年老之人多不及但年少之人則無不及年老之人其間猶有太過者不可不察也夫目之內皆太陽經之所起血多氣少目之銳眥少陽經也血少氣多目之上綱太陽經也亦血多氣少目之下綱陽明經也血氣俱多然陽明經起於目兩旁交頰之中與太陽少陽俱會于目惟足厥陰經連於目系而已故血太過者太陽陽明之實也血不及者厥陰之虛也故出血

血太過、俱有目疾、不及、視

細察脈証、而并諸經、血氣虛、宜補治之

平土輪之病宜治
其火之教

者宜太陽陽明蓋此二經血多故也少陽一經不宜出
血血少故也刺太陽陽明出血則目愈明刺少陽出血
則目愈昏要知無使太過不及以血養目而已凡血之
為物太多則溢太少則枯人熱則血行疾而多寒則血
行遲而少此常理也目者肝之外候也肝主目在五
屬木經木之為物太茂則蔽密太衰則枯瘁矣夫目之
五輪乃五臟六腑之精華宗脈之所聚其白人屬肺金
肉輪屬脾土赤脈屬心火黑水神光屬腎水兼屬肝木
此世俗皆知之美及有目疾則不知病之理豈知目不
因火則不病何以言之白輪變赤火乘肺也肉輪赤腫

治火
茶鹹寒吐

腫消
針土火
翳退痛止味明

老人
目老有翳曰綠

火乘脾也黑水神光被翳火乘肝與腎也赤脈貫目火
自甚也能治火者一句可了故內經曰熱勝則腫凡目
暴赤腫起羞明隱溢淚出不止暴寒目瞞皆大執之所
為也治火之法在藥則鹹寒吐之下之在針則神廷上
星顙會前項百會血之翳者可使立退痛者可使立已
昧者可使立明腫者可使立消惟小兒不可刺顙會為
肉分淺薄恐傷其骨然小兒水在上火在下故目明老
人火在上水不足故目昏內經曰血實者宜決之又經
曰虛者補之實者瀉之如雀目不能夜視及內障暴怒
大憂之所致也皆肝主目血少禁出血止血宜補肝養腎

至於暴赤腫痛皆宜以鉗針刺前五穴出血而已次調
鹽油以塗髮根甚者雖至于再至于三可也量其病勢
以平為期

目疾刺法
宜毫針

按此謂目疾出血最急於初起熱痛暴發或久病鬱
甚非三稜針宣世不可然年高之人及久病虛損并
氣鬱者宜毫針補瀉之則可故知子和亦大畧言
爾於少陽一經不宜出血無使太過不及以血養目
而已斯意可見

○論內障外障

龍木論曰眼疾有七十二般內障二十三候外障四十

九候病狀一一不同據其疾狀認識既不差錯治療必
有所憑

謹按諸候詳見本論城內障為黑水神光昏翳外障
則有翳膜者是今論中雖具諸候而所用藥多本風
熱故並畧去然內障有因於痰熱氣鬱血熱陽陷陰
虛脫榮所致種種病因皆畧之不議况外障之翳有
起於內皆外皆睛上睛下睛中當視其翳色從何經
而來如東垣治例魏邦彥夫人目翳從下而上病自
陽明來也綠非五色之正殆肺腎合而為病也乃就
畫家以墨調膩粉合成色諦視之與翳色同矣肺腎

以翳色并病根說

其治至急其証不待
効初蓋日久而元氣
隨氣不足之

辛熱過則使腫散
大之說

為病者無疑乃瀉肺腎之邪而以入陽明之藥為之
使既效而他日復病作者三其所從來之經與翳色
各異因詢此必經絡不調目病未已問之果然如所
論治之疾遂不作若此憑其色究其所兼所本之因
處治而不愈者蓋邪蘊日久而實元氣陰氣不足所
致也當以王道論治庶可但世俗不能守此理遂致
失明者多矣悲夫

○論腫子散六

東垣曰腫子散大者由食辛熱之物太甚故也所謂辛
主散熱則助火上乘於腦中其精故散精散則視物亦
散大也夫精明者所以視萬物者也今視物不真則精
衰矣蓋火之與氣勢不兩立故經曰壯火食氣壯火散
氣乎心陰足厥陰所主風熱連目系邪入中人各從其
類故循此道而來攻頭目腫悶而腫子散大皆血虛陰
弱故也當除風熱涼血益血以收耗散之氣則愈矣

○論倒睫亦爛

東垣曰夫眼生倒睫拳毛者兩目緊急皮縮之所致也
蓋內復熱致陰氣外行當去其內熱并火邪眼皮緩則
眼毛立出翳膜亦退用手法攀出內瞼向外速以三稜
針出血以左手爪甲迎其鍼鋒立愈

目眩歲久赤爛俗呼為赤瞎是也當以三稜針刺目眦外以瀉濕熱而愈

按已上所論可謂深達病情然是證亦多是血熱陰虛火動所致蓋血所以滋經脉養毛髮者也故當外治以瀉其熱內治以杜絕其源可也

○論目不能遠視為陰氣不足

東垣曰能遠視不能近視者陽氣不足陰氣有餘也乃氣虛而血盛也血盛者陰火有餘氣虛者氣弱也此老人桑榆之象也能近視不能遠視者陽氣有餘陰氣不足也乃血虛氣盛血虛氣盛者皆火有餘元氣不足火

者元氣穀氣直氣之賊也元氣來也徐而和細細如線邪氣來也緊而強如巨川之水不可遏

謹按陽氣者猶曰火也陰氣者金水也先儒所謂金水內明而外暗曰火內暗而外明者也然入目眼備腑臟五行精華相資而神明故能視即此理之常也雖經曰目得血而能視殊不知氣者蓋益得氣為水火之交而能神明之也不則陰虛不能視遠陽多不能視近是為老人桑榆之漸然學者於目病能求諸此則思過半矣

○論目疾分三因

三折卷之二十一
陳無擇云病者喜怒不節憂思兼並致臟氣不平鬱而
生涎隨氣上厥逢腦之虛侵淫眼系陰注於目輕則昏
澁重則障翳眇淚努肉白膜瞞睛皆內所因或數冒風
寒不避暑濕邪中於項乘虛循系以入於腦故生外翳
醫論中所謂青風綠風紫風黑風赤風白風白翳黃翳
等隨八風所中變生諸證皆外所因或嗜慾不節飲食
無時生食五辛熱啖炙燂馳騁田獵冒涉烟塵勞動外
情喪明之本皆不外因治之

按論中所言致證之因至為詳悉惜乎其方多本於
風熱及水臟陽虛處治而未備學者當自為通變矣

○論偷針眼

巢氏曰凡眼內背頭忽結成胞三五日間便生濃汁世
呼為偷針此由熱氣客在昔間熱搏於津液所成但其
勢輕者小小結聚汁漬熱歇乃瘥

謹按世傳眼背初生小胞視其背上即有細紅點如
瘡以針刺破眼時即瘥故名偷針實解太陽經之結
熱也人每試之有臉然巢氏但具所因而更不分經
絡其諸名實所過者多矣

偷針初生之時其
背上刺破紅點即
差說

眼目治法

○治風之劑

局方蜜蒙花散治風氣攻注兩眼昏暗眵淚羞明并暴赤腫

羌活

白茯苓炒

木賊

蜜蒙花各一兩

石決明一兩

菊花二兩

右為末每服二錢茶清食後調下

二因羌活散治風毒上攻眼目昏澁翳膜生癢及偏正頭疼目小黑花累累者

羌活

川芎

天麻

旋伏花

偏正頭痛目小赤眼
二病更証

青皮

南星炮

藜本各一兩

右為末每服二錢水煎入姜三片薄荷七葉

按己上並足太陽厥陰藥也

東垣明目細辛湯治兩目發赤微痛羞明畏日怯風寒怕火眼睫成紐眵糊多癢澁難開眉摺腫悶鼻塞涕唾稠粘大便秘澀

麻黃

羌活各三錢 防風二錢

藜本

白茯苓

當歸尾各錢 川芎

細辛各半錢

蔓荊子五分

荆芥穗一錢半

生地黄一錢 酒製椒八箇

桃仁二十箇

紅花少許

右吹咀分作四服每服水煎食後熱服

按此足太陽厥陰手少陰藥也

機要四物龍膽湯治目赤暴發雲翳疼痛不可忍

草龍膽 防已各三錢 羌活 防風各三錢

四物湯各半兩

右吹咀作數服水煎

按此足厥陰太陰太陽藥也

防風飲子治拳毛倒睫

黃芪 甘草 人參各一錢 葛根五分

防風 細辛葉 蔓荊子各五分 當歸七分半

右吹咀作一服水煎食後服

按此足太陽陽明手足太陰藥也

○治熱之劑

局方洗心散 方見熱門

濟生羊肝丸治肝經有熱目赤睛疼視物昏澁

羊肝一具生用局方用白羊肝 黃連去須為末

右先將羊肝去筋膜於沙盆內搗爛入連末杵和

丸如梧子大每五十九丸用熱水送下

按此手少陰足太陰厥陰藥也

東垣瀉熱黃連湯治眼暴發赤腫疼痛

黃芩 酒製炒 黃連 同上製 草龍膽 生地黃 各一兩

升麻 半兩 柴胡 一兩

右吹咀每四錢水煎去滓於日午煎飯後熟服
按此手少陰太陰足陽明少陽少陰藥也

○治風熱之劑

局方明目流氣飲治風熱上攻眼目視物不明常見黑
花當風多淚隱澁難開

大黃 煨 牛蒡子 炒 川芎 菊花

白蒺藜 炒 細辛 防風 玄參

山梔子 黃芩 甘草 炙 蔓荊子

荆芥 木賊 各一兩 草決明 半兩 蒼朮 淋浸炒

右為末每二錢臨卧用溫酒調下

按此手足三陰足陽明太陰藥也

洗肝散治風毒上攻暴作赤目腫痛難開隱澁移淚

薄荷葉 當歸 羌活 防風

山梔仁 甘草 大黃 川芎 各二兩

右為末每二錢食後煎水調下

按此足太陽厥陰手足太陰藥也

錢氏瀉青丸治目暴發赤腫疼痛

方見熱門

按此足太陽少陽太陰厥陰藥也

東垣運翹飲子治目中溜火惡日與火癰澁小角緊交

視昏花迎風有淚

蔓荊子 生甘草 運翹 各三分 柴胡 二分

黃芩 酒製 五分 生地黃 當歸 紅葵花

人參 各三分 黃芪 防風 羌活 各五分

升麻 一錢

右咬咀作一服水煎食後熱服

按此足三陽少陰厥陰藥也

治濕熱之劑

神芎丸治濕熱內甚目赤腫或白睛黃色

方見火門

按此足陽明厥陰藥也

東垣龍膽飲子治肝眼流膿生疳翳濕熱為病

黃芩 炒 青蛤粉 羌活 草龍膽 各三

麻黃 一錢半 蛇退皮 穀精草 川鬱金

炙甘草 錢半 升麻 二錢

右細末每二錢食後茶調服

按此足太陽陽明手足太陰藥也已上六方宜隨表

裏而輕重之亦不可例用

○理血之劑

局方明目地黄丸治男女肝腎俱虛風邪所乘熱氣上攻目翳遮睛目溢多淚

牛膝酒浸

石斛

枳殼炒

杏仁去皮炒

防風各四兩

生地黄

熟地黄各一斤

右為末煉蜜丸如梧子大每三十丸食前益湯下
按此出太陽例又氣藥也

簡易加減駐景丸治肝腎氣虛兩目昏暗視物不明

車前子炒

熟地黄

當歸各五兩 堵實子

川椒炒各一兩 五味子

枸杞子各二兩 兔絲子各二兩

右為末蜜糊丸如梧子大每三十九丸食前溫酒下

謹按肝為相火有瀉無補况陰水虛而陽火實病目者多故此二方蓋補肝之陰虛也頗有理故收入

地芝丸治目不能遠視能近視或亦妨近視

生地黃焙 天門冬去心 枳殼二兩炒 甘菊花二兩

右為細末煉蜜為丸如桐子大茶清送下百丸食

後眼

○理氣之劑

局方定志丸治眼不能近視反能遠視者

白茯苓

人參各三兩 遠志去心

菖蒲各二兩

右為細末煉蜜丸如梧子大以朱砂為衣每服七
丸至二三十丸溫米飲下食後日三服

按已上二方手太陰少陰藥也

濟生桑白皮散治肺氣壅塞毒氣上攻眼目白睛腫脹
日夜痰痛

玄參 桑白皮 枳殼炒 升麻

杏仁炒 旋覆花 防風 赤芍

黃芩 甘菊花 甘草炙 甜葶藶炒各一兩

右吹咀每半兩入姜三片煎

按此又治風熱之劑也出太陽例

○養陽之劑

東垣神效黃芪湯治渾身麻木不仁或頭面或手或腿

脚麻木不仁兩目緊急縮小及羞明畏日或視物無力

黃芪二兩 人參八錢 炙甘草一兩 蔓荊子三錢

白芍一兩 陳皮半兩

右吹咀每五錢水煎臨卧熱服

益氣聰明湯治飲食不節勞役形體脾胃不足得內障

耳鳴或多年目昏暗視物不能此藥能令人目廣大久

服無內外障耳鳴耳聾之患

黃芪 甘草 人參 各半兩 升麻

黃栢增損之指
南

葛根各三錢 蔓荊子一錢半 芍藥

黃栢酒炒各

右咬咀每服三錢水煎臨睡熱服近五更再服之
得腫更妙如煩悶或有熱漸加黃栢春裏加之盛
暑夏月倍之若此一味多則不效

人參補胃湯治勞役所傷飲食不節內障昏暗

前黃芪湯減陳皮芪再減半加黃栢一兩酒拌透

右咬咀每服三四錢水煎食遠稍熱服後兩目廣

大視物如童時覺兩脚踏地不知高下蓋冬天多

服升陽藥故也病減任服

按已上手足太陰少陰藥也

○滋陰之劑

東垣連栢益陰丸

羌活 獨活 甘草 當歸尾 製

防風各半兩 五味子半兩 石決明^{三錢} 草決明

細黃芩 黃栢 知母 黃連^{酒拌炒}

右件為細末煉蜜為丸如棗豆大每服五十九漸

加至百丸食遠茶清送下常多服補陽湯少服此

丸

滋陰腎氣丸此壯水之主以鎮陽光

熟地黃^{三兩} 牡丹皮^{半兩} 生地黃^{四兩} 澤瀉

石決明燒用何

三錢卷之二十九

限目甲

一六

茯苓各二兩半

當歸尾

山茱萸

柴胡

五味子

乾山藥各半兩

右件於石臼中杵為細末煉蜜為丸如桐子大每服五七十九丸鹽湯空心服

按已上並少陰藥也

○養陽滋陰之劑

局方菊睛丸治肝腎不足眼目昏暗常見黑花疾

枸杞子三兩

肉苳蓉酒浸

巴戟去心

各兩

甘菊花四兩

右為末煉蜜丸如梧子大每五十九丸溫酒鹽湯食

遠任下

東垣滋陰地黃丸治眼目瞳子散大於黃睛視物無的或卒然見非常之處

熟地黃一兩

生地黃一兩半

柴胡八錢

天門冬

炙甘草

枳殼各三錢

人參

地骨皮各三錢

黃連三錢

五味子三錢

黃芩

當歸身半兩酒

右件為細末煉蜜為丸如菉豆大每百丸溫茶清送下日進二次忌辛辣生冷之物

按此二方足少陰之劑也前方主右腎此主左腎之藥故亦異示

補陽湯治陽不勝其陰乃陰盛陽虛則九竅不通青白

醫見於大背及足太陽少陰經中鬱遏足厥陰肝經氣
不得上通於目故青白翳內阻也當於太陽少陰經中
九原之下以益肝中陽氣衝天上行此乃先補其陽後
於足太陽 太陰標中標者頭也瀉足厥陰肝經火下
伏於陽中乃次治也內經云陰盛陽虛則當先補其陽
後瀉其陰是也每日清晨服補陽湯臨臥服益陰丸若
天色變飲食不調俱不得服

羌活

獨活

甘草

人參

熟地黃

黃芪

白朮各一兩

澤瀉

陳皮各半兩

生地黃

白茯苓

知母各三錢

柴胡三兩

防風

白芍各半兩 肉桂一錢

當歸 酒製三錢

右同為粗末每服半兩水煎空心服之

沖和養胃湯治內障眼得之脾胃元氣衰弱心火與三
焦俱盛飲食失節形體勞役心不得休息故上為此疾
服之神効

柴胡七錢

防風半兩

羌活

炙甘草

黃芪各一兩半

當歸酒製

白朮

升麻

人參

葛根各一兩

白芍六錢

白茯苓三錢

乾姜一錢

五味子二錢

黃芩

黃連各七錢

右吹咀每五六錢水煎食遠稍熟服
按已上足三陽手足太陰藥也

○治障翳諸方

龍木論還睛丸治眼內赤澁有花或黑或白或紅皆因
肝臟積熱肺受風邪初患之時宜令針治諸穴內服此

人參

桔梗

黃芩

熟地黄

防風

羌蔚子

車前子

知母各二兩

細辛

五味子酪二兩

玄參半兩

右為末煉蜜丸如梧子大空心下十九

按本論治內障諸方與此相類者甚多姑存此二法

局方蟬花無比散治大人小兒風毒傷肝或為氣攻一
切眼目昏暗漸生翳膜及久患頭風牽搐兩眼漸漸細

小連睢赤爛

茯苓

甘草炙

防風各四兩

石決明搗水浸
研如粉

川芎

羌活

當歸各三兩

赤芍十兩炒

蒺藜炒半斤 蟬退二兩

蒼朮十二兩 蛇蛻一兩

右為末每三錢食後米泔調服茶清亦得

按此足三陽太陰厥陰藥也

蟬花散治肝經蘊熱毒氣上攻眼目赤腫多淚羞明一
切風熱昏翳

穀清草

菊花

蟬蛻

羌活

甘草炒

白蒺藜炒

草決明

防風

山梔子

川芎

蜜蒙花

木賊

荆芥穗

黃芩

蔓荊子各等分

右為末每二錢食後茶清調下

按此足太陽少陽厥陰手太陰藥也

本事方羊肝丸

鬼絲子

車前子

麥門冬

決明子

茯苓

五味子

枸杞子

荒蔚子

苦苧麩

麩仁

地膚子

澤瀉

防風

黃芩

杏仁炒

細辛

桂心各一兩

青箱子一兩

熟地黃一兩半

白羯羊肝用子肝一片薄切新瓦上炒乾

右為細末煉蜜為丸如梧子大每服三四十九溫

水下日三次

按此足太陽少陰手太陰少陰藥也

秘方撥雲退翳丸

皇統年間醫官劉昌祖傳于世

瓜蒌根

枳實

甘草炙

蔓荊子焙

薄荷各五錢

川芎

木賊酒浸一宿焙

蜜蒙花

荆芥穗

地骨皮

羌活

白蒺藜各二兩

玉錢卷之二十九

眼目門

二十一

甘菊花 一兩 鮑蛭

黃連

蟬蛻 各三錢

川椒 去目七錢半炒 當歸 浸酒乾

右為細末煉蜜丸每兩作十九每服一九食後臨
卧日進三服翳者米泔水下晴暗當歸湯下內障
木香湯下

按此足太陽厥陰手少陰藥也然翳膜之疾有氣血
虛實或夾痰熱七情六淫或陰虛火動濕熱致者種
種不同皆宜求責但已上法不能以盡病情之變學
者宜擴充焉

點洗諸方

目疾之本同種不同
偏不可執古方之說

肩方湯泡散治肝經風熱上壅眼目赤澁睛疼多淚

赤芍

當歸

黃連 等分

右為末每二錢湯頓調執洗日三五次御藥院方加煎片

三因立勝散治風熱攻眼隱澁羞明腫痛

黃連

秦皮

防風

黃芩 各等分

右吹咀水煎熟用新羊毫筆蘸刷洗眼

金露膏除昏退翳截定疼

麩仁 搗碎

黃丹 各一兩 黃連 半兩

蜜 六兩

右先將黃丹炒令紫色入蜜攪勻下長流水四升
以嫩柳枝五七莖一把定攪之次下麩仁候滾十

洗菜

同

五錢卷之二十一

眼目門

三

數沸又下黃連用柳枝不住手攪熬至升七八合
單離內傾藥在紙上慢慢滴之勿令塵汚如有瘀
肉加硃砂末一錢上火上慢慢開入前膏子內用
龍木論云患傷寒熱病後切不可點恐損眼也斯言
可以為藥禁云

寶鑑春雪膏治風熱上攻眼目昏暗痒痛癢澁難開多
移淚羞明疼痛或生翳膜

黃連

四兩剉用童便二升浸一宿去連用滓廿石

南荊甘石

十二兩淨便汁浸

好黃丹

六兩飛石一錢研水調在

烏魚骨燒存性三錢

乳香

當歸各三錢 麝香

輕粉各少許

白丁香五分

右各研另貯先用好蜜一斤四兩煉去蠟却下甘
石末不住手攪次下丹次下諸藥末不住手攪至
紫金色不粘手為度搓作錠子每用一粒新水磨
化時時點之忌酒濕麪蕎麥之類

拔毒方 治偏頭眩眼疾

蒼耳頭

薄荷葉

盆硝

石膏各文錢

乳香

華細辛

貫芎各半錢

右為極細末早午夕三時噴鼻

寶鑑方無蒼耳乳香細辛有荊芥桔梗

偏頭痛眼疾治方

蟾光膏治遠年病目不通道路退去雲膜須用十二月

開成日合

白砂蜜四兩用陶年蒸一撮去頂皮切短與蜜一同

黃丹三錢 蜜陀僧錢各水 砒石錢水

已上三味研極細傾入前蜜中挑柳無節者各一

枝攪勻

當歸 赤芍各五錢 黃連去芦淨 杏仁湯泡去皮

川芎半兩 秦皮 訶子皮 防風

石膏 玄精石 井泉石 無名異

玄參 伐赭石 石決明用上十味各三錢

乳香 沒藥 琥珀 朱砂

麩仁各三錢

已上五味先乾研極細入麩仁研細水飛澄清極細才傾入前藥一同復熬以筋點藥於水中不散為度勿令過與不及取下於土中埋七日取出置於銀器或磁器中如法收貯便再添入後細藥以挑柳枝攪勻

南鵬砂 珍珠 龍腦各一錢 珊瑚枝一錢

麝香五分

三五 右五味研極細入藥中封定如有取不盡藥用淨水斟酌洗滌熬過另放洗眼或膏子稠了傾些小調解

○灸雀目疳眼法

寶鑑云小兒雀目夜不見物灸手大指甲後一寸內騰橫文頭白肉際各一炷如小麥大

小兒疳眼灸合谷二穴各一炷炷如小麥大在手大指次指兩骨間陷者中

按灸法詳見寶生等經茲不備錄

玉機微義卷之二十九

玉機微義卷之二十九

牙齒門

○論牙齒諸痛所因

東垣曰夫齒者腎之標口者脾之竅諸經多有會於口者其牙齒是也手足陽明之所過上斷隸於坤土乃足陽明胃之脉貫絡也止而不動下斷嚼物動而不休手陽明大腸之脉所貫絡也手陽明惡寒飲而喜熱足陽明喜寒飲而惡熱其病不一牙者腎之標亦喜寒寒者堅牢為病不同熱甚則齒動斷斷但脫作痛不已故所治療不同也有惡寒作痛者有惡熱而作痛者有惡寒

上斷齒不動
下斷動而不休
三頤卦也

生患寒熱作痛者
証皆本二陽明
動極斷脫本三少陰
生祖出前濕熱

新腫血出作痛者
真皆胃熱大盛
生牙後字不可忘

又惡熱而作痛者有惡寒飲少熱飲多而作痛者有惡
熱飲少寒飲多而作痛者有牙齒動搖而作痛者有齒
頰而為痛者有齒齦為疔所蝕缺少血出為痛者有齒
斷腫起為痛者有脾胃中有風邪但覺風而作痛者又
有牙上多為虫所蝕其齒缺少而色變為虫牙痛者有
胃中氣少不能於寒袒露其齒作痛者有牙齒疼痛而
穢臭之氣不可近者痛既不一豈可一藥而盡之哉

按此論齒惡寒熱等作痛本手足陽明動搖斷脫本
足少陰故此三經所主為多然齒袒虫疔濕熱斷腫
血出作痛痛而穢臭者皆胃熱火盛所致亦有諸經

錯雜之邪與夫外因者故已上病機現證甚詳學士
宜究其機而處治焉

論牙痛分三因

陳無擇云齒為關門腎之榮骨之餘也腎衰則齒齦精
固則齒堅又大腸支脉在牙斷主灌注於牙大腸壅則
齒為之浮大腸虛則齒露挾風則攻目頭面疔腫則齒
脫為痔皆氣鬱而生諸證不同治之

謹按頭面外冒風寒或口吸寒冷致牙痛者皆外因
也實熱或陰虛火動骨蒸所致氣鬱血熱虫疔皆內
因也硬物所支打擊等致皆不內外所因也故諸證

不同治之陳止言經病而不具三因者恐傳梓時脫
簡示

○論齒痛為風熱濕熱所致

東垣曰劉經歷之內年三十餘病齒痛不可忍須騎馬
外行口吸涼風則痛止至家則其痛復作家人以為宗
神禱於巫師而不能愈病乃濕熱為邪也足陽明多血
多氣加以膏粱之味助其濕熱故為此痛因立一方不
須騎馬常令風寒之氣生於齒間以黃連胡桐淚之苦
寒新薄荷葉荆芥穗之辛涼四味相合而作風寒之氣
治其濕熱為主以新升麻之苦平行湯明經為使牙齒

胃之餘以羊髓骨灰補之為佐麝香少許入肉為引用
為細末擦之痛乃減半又以調胃承氣湯去硝加黃連
以治其本服之下三兩行其痛良愈遂不復作

按此論實熱例而合辛涼風劑蓋風能勝濕苦以洩
熱也今世俗有以大戟羌花小麥椒細辛蒼耳熬湯
熱漱而牙痛立止者正同此例大抵人之牙齒致病
實多內則氣鬱血熱骨蒸等因外則咀炙熱受寒水
鹹酸辛辣之味適口豈不漬搏耶且如以醋沃石則
石為蘇况人之骨餘者乎然雖經絡之喜寒熱氣各
不同所受病異者則宜全在標耳

此書主辛涼劑合
風寒之氣生於牙
三例而治濕熱之痛

以升麻為湯明經
使
以麝香為入肉之引

以醋沃石則石為蘇

三機卷之三十一

二

三

牙齒治法

○治風之劑

局方細辛散治風蛀牙疼腮頰浮腫

荆芥穗

細辛各一兩

白芷

紅椒

草烏各二兩

砂仁半兩

鶴風

牙皂角

畢撥各半兩

右為末每少許頻擦患處有涎吐之仍用水灌漱

按此手陽明足少陰厥陰藥也

三因玉池散治風蛀牙疼腫痺動搖牙齦潰爛宣露出血口氣

地骨皮

白芷

升麻

防風

細辛

藜蘆

川芎

當歸

槐花

甘草各等分

右為末每用一字揩之痛甚取錢水盪半黑草

半食姜三片煎漱

按此手足陽明厥陰藥也

百一選方治風牙疼者

白芷一兩

朱砂一分

右為末煉蜜丸如櫻桃大每一丸擦牙上

按此手陽明之藥也

御藥院方獨活散治風毒牙疼牙根腫痛

川芎

獨活

羌活

防風各半兩

細辛

荊芥

薄荷

生地黄各二錢

右吹咀每三錢水煎漱嚥

按此足太陽厥陰少陰藥也

元戎立効散治牙疼

小椒

露蜂房

青鹽各等分

右為細末煎數沸熱嗽即止

按此足少陰藥也

東垣羌活散治風寒寒濕犯腦項筋急牙齒動搖肉斷

頑脫疼痛苦楚

麻黃

去節三兩

羌活一錢半

柴胡半兩

升麻

蒼朮

各五分

草豆寇一錢

防風三分半

藜蘆三分

細辛炒許

當歸身六分

白芷

桂各三分

羊脛骨灰二錢半

右為末先以溫水漱過擦之

按此足三陽太陰藥也

治寒之劑

御藥院方丁香散治牙齒

丁香

畢撥

錫梢

大椒各等分

玉機卷之三十一

牙齒門

五

右為末每少許擦於患處

按此足陽明太陰藥也

單辭散搗藥

單辭

良姜

胡椒

細辛 各半分

右為末每少許含溫水隨痛處鼻內搐

按此足少陰太陰藥也

東垣白芷散治大寒犯腦牙齒疼痛

草豆寇

麻黃 各一分 黃芪

升麻 各一錢

吳茱萸

白芷 各四分 當歸

熟地黃 各五

膏本 三分

桂枝 二分半 羌活 八分

右為末先用溫水漱淨以藥擦之

按此手足陽明太陽厥陰藥也

○治風熱之劑

元戎胡桐液散治足陽明經虛風熱所襲流傳牙齒攻注牙斷則致腫結妨悶甚者與斷間津液相搏化為濃汁宜用此藥

胡桐淚

石膽礬

黃礬

蘆薈

升麻 各半兩 麝香

亂髮灰 各錢

朱砂

細辛

當歸

川芎

牛膝 各三錢半

右為末先以甘草湯漱口後用藥少許傳之以常

用少許擦牙去風熱消腫化毒牢固永無牙宣疔
血之病

按此足陽明厥陰藥也

犀角升麻湯治陽明經受風熱口唇頰重連牙腫痛

犀角七錢半 升麻五錢 防風

羌活各三錢半

川芎

白芷

黃芩

白附子各二錢五分

甘草一錢半

右咬咀水煎服

按此手足陽明太陽藥也

○治寒熱之劑

東垣當歸龍膽散治寒熱掉牙痛

草豆寇 升麻

黃連

草龍膽

麻黃各一錢白芷

骨灰

當歸尾各半錢

生地黃五分

右件為末擦之

按此太陽陽明少陰厥陰藥也

益智木律散治寒熱牙疼

草豆寇二錢木律二分 熟地黃

益智

骨灰各半錢升麻一錢半 黃連

當歸各四分

右為末乾擦之如寒多不用木律

按此足陽明厥陰藥也

麝香散治熱多寒少牙露根肉齩脫血出齒動欲落大作疼痛效良涼少忤熱多

麻黃根一分 草豆寇 黃連 瑤一分 益智 一分半

當歸 生地黃 人參 漢防已 酒製麥冬 三分

升麻一錢 熟地黃 分骨灰二錢 麝少許

右為末擦之

按此足陽明太陰藥也

攻下之劑

元戎調胃丸治齒痛血出不止

右以調胃承氣湯為末蜜丸服

升麻丸治陽明有熱攻注牙齒腫痛脉洪大而實

細辛 升麻 防已 羌活

牽牛 大黃

右等分煉蜜丸如桐子大每二十九溫水臨睡服

按此二方陽明例藥也論云病源有手陽明之支脉

入於齒齒是骨之所終髓之所養若風冷客於經絡

傷於骨髓冷氣入齒根則齒痛或胃與大腸俱熱大

便秘結經絡壅滯而齒齩痛者治法不同也

清胃涼血之劑

東垣清胃散治因服熱藥使上下牙疼不可忍引頭腦
滿面發熱大痛喜寒惡熱

生地黃酒粉升麻一錢牡丹皮五分當歸三分

黃連三分

右作末為一服水煎冷服

神功丸治多食肉人口臭不可近牙齒疳蝕牙斷肉將
脫齒落血不止

黃連酒製砂仁各半兩生地黃甘草各三錢

升麻二錢藿香葉木香

蘭香葉如無藿香代之一錢當歸身各一錢

右為末湯浸蒸餅丸如棗豆大每服百丸至二百

丸白湯食遠下

按此二方並陽明例藥也

治虫之劑

秘方馬夜眼燒存性為末敷上立愈

瑞竹堂方治虫牙疼

天仙子不以多少燒烟用竹筒抵牙引烟燻之其虫

即死

謹按牙齦生虫乃陽胃土濕熱甚而生也學者宜治

其本

補劑

金匱八味丸治腎虛牙痛

方見補虛門

三因安腎丸治虛壅牙齒疼痛浮腫

方見腰痛門

按此二方並少陰例藥也

取牙藥

本事方取牙落不犯手

草烏

畢撥各二兩半

川椒

三

細辛各三兩

右為末每少許指在患處其牙自落

謹按牙齒動搖多因陽明風熱或濕熱疳蝕牙齦坦露故久則動搖脫之漸也然亦宜求其本而治其內堅藥擦其外庶或有可安之意否則一以動搖取之非也况此藥太躁恐非所宜姑采之以備其例尔

堅牙藥

聖濟總錄方治牙齒動搖

黑錫半斤大鍋內化成汁入桑條灰柳木槌研合成砂以熟絹羅為末每日早晨揩牙溫水漱在盃內以水洗眼能明目黑鬚鬢

食療云治牙動及血齲並差其齒堅牢

皂角二錠 鹽半兩

右燒令赤細研夜夜用擦牙齒一月

西嶽華峯方

猪牙皂角及生姜

西國升麻熟地黃

木律旱蓮槐角子

細辛荷葉要相當荷葉取心

青鹽等分同燒燉

研細將來用最良

揩牙牢牙鬣髮黑

誰知世上有仙方

不我麝香間玉散

醋石榴皮

詞子各二兩

升麻

綠礬括

何首烏

青鹽

百藥煎

五倍子

沒石子各兩

白茯苓兩

細辛

石膽各半

荷葉灰

白檀

川芎

白芷

甘松

茯苓香

茴香

藿香葉

猪牙皂角灰

木別子各二錢

畢撥

青黛各一錢半

麝香一錢

腦子半錢

右為末用藥後茶清漱又方無腦子加沉香二錢

瑞竹堂方 疾藜散治打動牙齒

疾藜根一味燒灰貼動處

東垣白牙散

升麻一錢

骨灰二錢

白芷七分

石膏一錢半

打動牙齒之藥

昔者生腰痛之前

某非峻躁之刺而
治功至妙

麝香白少許

右為末先以溫水漱擦之

按齒者骨之餘精氣所養然無病不可常擦蓋精氣
腎氣反有虧惡耳昔人有以苦參指牙久病腰痛腎
受傷也此其鑑焉已上方宜隨證選用

嚴氏香監散常用定牙去風冷蛀齲宣露一切齒疾

大香附子炒冷極黑三期青鹽半兩另研

右為細末如常法擦用

玉機微義卷之三十一

玉機微義卷之三十一

腰痛門

○內經叙諸經腰痛

經曰足太陽脉令人腰痛引項脊尻背如重狀少陽
令人腰痛如以針刺其皮中循循然不可以俛仰不可
以顧陽明令人腰痛不可以顧顧如有見者善悲
足少陰令人腰痛痛引脊內廕厥陰之脉令人腰痛
腰中如張弓弩絃太陰腰痛下如有橫木居其中甚
則遺洩

按本論備言諸經及奇經同陰解脉等為痛并刺法

王柳卷之三十一
甚詳宜玩本文

又曰太陽所至為腰痛巨陽虛則腰背頭項痛是動則
項如拔挾脊痛腰似折髀不可以曲 腰者腎之府轉
搖不能腎將敗矣 脉經曰凡有所用力舉重若入房
過度汗出如浴水則傷腎腎脹者腹滿引背央央然腰
髀痛 腎着之為病從腰以下冷腰重如帶五千錢
按此云用力已下為內傷腎着是外因也

○脉法

脉經曰尺脉沉腰背痛 腰痛時時失精飲食減少其
脉沉滑而遲此為可治

三點曰腰痛之脈皆沉而弦沉弦而緊者為寒沉弦
而滑者為風沉弦而濡細者為濕沉弦而實多為閉肺
○論腰痛為虛宜補

東垣曰太陽氣虛則邪客之痛病生矣夫邪者是風熱
寒濕燥皆能為病大抵寒濕多而風熱少然有房室勞
傷腎虛腰痛者是陽氣虛弱不能運動故也陽之不足
宜補陽如膏粱之人久服陽藥醉以入房損其真陰腎
氣熱則腰脊痛而不能舉久則髓減骨枯骨枯發為骨
痿陰之不足宜補陰

○論腰痛宜刺

經云腰痛上寒不可顧取足太陽陽明腰痛上熱取足厥陰不可以使仰取足少陽東垣云蓋足之三陽從頭走足足之三陰從足入腹經所過處皆能為痛治之者當審其何經所過分野循其空穴而刺之審其寒熱而藥之假令足太陽令人腰痛引項脊尻皆如重狀刺其郄中太陽二經出血餘皆倣此

按本篇論刺法甚詳宜玩本文然太陽腰痛刺委中出血効速王注經中更言灸疑誤灸者宜腎俞腰俞穴

○論腰痛宜下

子和云腰者腎之府為大關節血氣不行則沉痛不能轉側世人多服補腎藥鮮有効者惟用牽牛甘遂等藥大瀉其濕其痛自可

按此論治只是謂氣鬱氣挫經壅血瘀及濕熱甚者宜行此法至於氣血不足腎虛之類皆未宜輕舉宜以脉體別之丹谿有曰腰痛脉大者腎虛脉濇者瘀血有濕熱或痰者不可不辨

○論腰痛分三因

陳無擇云六經腰痛皆外因大抵太陽少陰多中寒少陽厥陰多中風熱太陰陽明多燥濕以類推之矢志傷

腎驚怒傷肝憂思傷脾皆致腰痛者以肝腎同系脾胃
表裏脾滯胃閉最致腰痛其證虛羸不足面目顰蹙遠
行久乏力不能盡矣志所為也腹急脇脹目視眈眈所
祈不得意滯於外宗筋弛縱及為白淫爵怒所為也肌
肉濡漬痺而不仁飲食不化腸胃脹滿閉墜腰脇憂思
所為也此屬內因腎著腰痛腰冷如水身重不渴小便
自利食飲如故腰以下冷重如帶五千錢因作勞汗出
衣裏冷濕久久得之腎腰偃倭腫重引季脇痛因於墜
墮惡血流滯及房勞疲力耗竭精氣致腰疼痛此屬不
內外因補瀉施治

按此所論病機甚詳情乎方治所畧今聊具其例一
二于左學者自宜推格

腰痛治法

○治風之劑

小續命湯治因風腰痛

方見中風門三因方加桃仁炒

三因獨活寄生湯治腎虛卧冷濕當風所得

獨活三兩 桑寄生

杜仲炒

細辛

牛膝

秦艽

茯苓

白芍

桂心

川芎

防風

甘草炙

人參

熟地黄

當歸各等分

右咬咀每四錢水煎空心服

按此足少陰厥陰藥也

牛膝酒治傷風毒腰痛

牛膝

川芎

羌活

地骨皮各二兩

五加皮一兩薏苡仁一兩甘草

生地黄各十兩

海桐皮二兩杜仲一兩

右咬咀帛裹入無灰酒浸各二七日夏三五日每

服一盃日三五次

按此足太陽少陰藥也

○治寒濕之劑

濟生木附湯治濕傷腎經腰重冷痛小便自利

附子

白朮各一兩杜仲炒半兩

右咬咀每四錢入姜煎

三因腎著湯治腎虛為病身重腰冷如水洗狀不渴小

便自利食如故腰以下冷痛如帶五千錢

茯苓

白朮各四兩乾姜

甘草各二

右咬咀每四錢水煎空心冷服本方姜苓各四兩

按此二方足少陰藥也

○治風寒濕之劑

服茅茨針之說

局方五積散治感寒濕脾胃氣閉腰痛

方見濕門三因方加桃仁

東垣川芎肉桂湯治冬月露卧感寒濕腰痛用此代針

羌活一錢半柴胡

肉桂

桃仁

當歸尾

蒼朮

甘草炙

川芎各一錢

獨活

麴炒各五分防風

漢防已澤瀉

右咬咀作一服好酒三盞煎至一盞食前暖處溫服

麻黃蒼朮湯治寒濕所客身體沉重腰痛面色痿黃

麻黃

澤瀉

白茯苓

炒麴

陳皮各一錢蒼朮二錢

杏仁十箇

桂枝

草豆蔻

半夏

猪苓各五分黃芪三分

甘草炙二錢

右咬咀作一服水煎食前溫服

按此足太陽少陰藥也

○治濕熱之劑

東垣獨活湯治因勞役濕熱自甚腰痛如折沉重如山

羌活

防風

獨活

桂

大黃煨

澤瀉各三錢甘草炙二錢

當歸

連翹各半兩

防己一兩

黃栢酒製二兩桃仁三十箇

三錢卷之三十一

要富

一

右咳嗽每半兩酒水各半多煎空心熱服
按此足太陽少陰表裏藥也

蒼朮湯治濕熱腰腿疼痛

蒼朮三錢 柴胡二錢 黃栢一錢 防風一錢

右作一服水煎空心溫服

健步丸治下虛濕熱腰腿疼痛

方見痿門

謹按腰痛亦有內因寒熱致者詳見婦人門師尼寡
婦之治論中宜隨証為治故其例不復具也

○攻下之劑

三因熟大黃湯治墮隨閃肋腰痛不能屈伸

大黃炒 生姜各半兩

煎吹咀水浸一宿五更去滓頓服之

按此陽明剋藥也

子和益腎散

甘遂

右為末每三錢簞猪腰子細批開以鹽椒等物淹
透爛切搽藥在內荷葉裹燒熟酒送嚙下

按此足少陰例藥也

理氣之劑

局方小七香丸治驚怒憂思或因閃挫癩撲一切氣滯

腰痛

丁皮

香附子

甘草各一兩二錢

蓬朮

砂仁各二錢 甘松八錢

益智六錢

右為朮水浸蒸餅丸如菜豆大每三二十九米飲下

易簡枳殼湯治腰背氣動發痛

枳殼五兩

甘草

右為末葱白湯調下一二錢服訖即卧少時

按已上並大陰例藥也

○理血之劑

元戎加味四物湯治瘀血腰痛

本方加桃仁

紅花

按此厥陰例藥也

東垣地龍散治打撲傷損從高墜下惡血在太陽經中

令人腰脊或脛膕臂痛股中痛不可忍鼻壅塞不通

中桂四分

桃仁六箇

羌活二錢

獨活

黃栢各一錢 麻黃半錢

當歸一分

地龍四分

甘草一錢

蘇朮六分

右咬咀每五錢水煎服

按此出太陽例藥也

○通關節之劑

濟生菴藺丸治墜墮閃肭血氣凝滯腰痛

菴藺子半兩沒藥

乳香各二錢補骨脂炒

葳靈仙

杜仲炒

桂

當歸各半兩

右為末酒糊凡如桐子大每七十九空心鹽酒鹽

湯任下

東垣趁痛丸治打撲閃損腰痛不可忍

白蒿蒼子炒

白粟米炒

乳香

沒藥各二錢

烏梅一箇

右為末蒸餅為丸如彈子大每服一九細嚼用溫

酒空心下

按此出厥陰例藥也

○補劑

局方青娥丸治腎虛腰痛或風寒乘之血氣相搏為痛

杜仲煨炒

一破故紙炒

胡桃二十箇

右為細末煮四兩為膏和丸如梧子大每二十九

空心溫酒送下 一法酒糊丸不用煮

黃芪建中湯治男女諸虛不足身重短氣腰背強痛

方見補虛門

五國安腎丸治腎虛腰痛

破故紙炒

胡芦巴炒

茴香炒

川棟炒

續斷炒各三兩

桃仁炒

杏仁炒

山藥

茯苓各二兩

右為末蜜丸如梧子大每五十丸空心鹽湯下

百一選方補髓丹治老人虛弱腎傷腰痛不可屈伸

破故紙

用芝麻五兩同研以芝麻黑色杜仲十兩炒無聲為度篩去芝麻不用十兩

鹿茸一兩煨去毛酒浸炙沒藥一兩另研

右為末和勻用胡桃肉三十箇浸去皮拚為膏入

麪少許煖糊丸如梧子大每百丸溫酒鹽湯任下

摩腰膏治傷寒濕腰痛

附片

烏頭尖

南星各二錢半

砂姜一錢

雄黃

樟腦

丁香各一錢半

麝香五分

右為細末煉蜜為膏姜汁化如彈子大放掌中火

上烘熱摩之

按此法是代灸之意灸者宜腎俞二穴腰俞一穴見

資生經

玉機微義卷之三十一

腹痛門

○內經叙腹痛所因

舉痛論云寒氣入經而稽遲泣而不行客於脉外則血少客於脉中則氣不通故卒然而痛其痛或卒然而止者或痛甚不可按或按之痛止或按之無益或喘動應手者或脇肋與少腹相引而痛者或腰痛引陰股者或卒然痛死不知人少間復生者或痛而嘔者或腹痛而後泄者或痛而閉不通者各不同形

按本論具已上病形異候皆寒氣所因甚詳宜玩本

文唯痛而閉不通為熱氣留於小腸腸中痛壅熱焦渴則堅乾不得出為熱痛此述病機寒熱皆能為痛也蓋寒痛者多熱痛者少

○脉法

脉經曰脉細小緊急病速進在中腹中刺痛 陰弦則腹痛 弦急小腹痛 尺脉緊臍下痛 尺脉伏小腹痛癥疝 尺脉實小腹痛當利之 心腹痛痛不得息 脉細小遲者生堅大疾者死 腹痛脉反浮大而長者死

傷寒論曰傷寒脉陽溢陰弦腹中急痛裏有虛寒

○論傷寒腹痛

成無已云陰寒為邪者則腹滿而吐食不下自利益甚腹自痛太陰證也發汗不解醫反下之因而腹滿時痛者屬太陽也桂枝加芍藥湯主之大實痛者桂枝加大黃湯主之東垣曰腹中諸痛皆因勞役過甚飲食失節中氣不足寒邪乘虛而入客之故卒然而作大痛經言得炅則止炅者熱也以熱治寒治之正也然腹痛有部分臟位有高下治之者宜分之

按已上脉證言諸虛痛矣然邪傳入裏熱結下焦實滿血結硬痛皆實痛也脉經云腹滿按之不痛為虛

腹痛有部
分
藏位有高下

痛者為實此述病機虛實之異又兼部分高下言也

○論腹痛為陰毒所致

詳見寒門

○論腹痛屬熱

原病式曰熱鬱于內而腹滿堅結痛者不可言為寒也

按丹谿曰腹痛有積熱者或死血食積濕痰皆能作

痛脉弦者食脉滑者痰清痰多作腹痛宜分治之詳

已上蓋言寒熱之分故此論及已後病例皆不之及

○論腹痛屬血

成無己曰邪氣聚於下焦則津液不得通血氣不得行

或瀉或血留滯於下是生脹滿而鞭痛也若從心下至

少腹皆鞭滿而痛者是邪實也須大陷胸湯下之若但

少腹鞭滿而痛小便利者則是畜血之證小便不利者

則是溺澀之證

○論腹痛為疝所致

詳見疝門

○論腹痛為瀉痢

詳見滯下等門

○論腹痛為積聚所致

詳見積聚門

腹痛諸因

小腹痛
便利言血
前不利後

之并

論腹痛為腸癰所致

詳見瘡瘍門

○論治腹痛大法

此事難知曰傷寒中脘痛太陰也理中建中黃芪湯之類臍腹痛少陰也四逆真武附子湯之類少腹痛厥陰也重則正陽回陽丹之類輕則用當歸四逆湯太陰連少陰痛甚者常變下利不止雜證而痛四物苦棟湯酒煮當歸丸之類夏月腹痛肌熱惡熱脈洪疾手太陰足陽明主之黃芩芍藥湯秋腹痛肌寒惡寒脈沉疾足太陰足少陰主之桂枝芍藥湯四時腹痛芍藥甘草湯

主之

按此治法本傷寒與夫寒疝時行治例也然學者觀已上諸病機則脈治思過半矣

腹痛治法

○溫散之劑

桂枝加芍藥湯治腹滿時痛脈弱

按此太陰例藥也

理中丸治霍亂頭疼身寒腹痛

方並見寒門

小建中湯治傷寒陽脈濡陰脈弦腹中急痛者

方見補虛門

按已上太陽例藥也

真武湯治腹痛下利四肢沉重

方見寒門

四逆湯治傷寒下利腹痛四肢逆冷

甘草二錢 附子數大片 乾姜三錢

右咬咀水煎服

霹靂散治腹痛脉欲絕

附子

一枚炮取出用冷灰培之取半兩入真磁茶一錢
同研細分二服每水煎臨熟入蜜半匙候溫冷服

桃花湯治腹痛下利膿血小便不利

赤石脂一兩 乾姜一錢 粳米一合

右末水煎服

按已上少陰例藥也

當歸四逆湯治傷寒小腹急痛

方見寒門

按此厥陰例藥也

○踈下之劑

仲景桂枝加大黃湯治腹滿時痛煩躁

桂枝

生薑各三錢芍藥六錢

大黃一錢

甘草二錢

大棗二枚

右呖咀水煎服

大陷胸湯治潮熱煩渴從心下至少腹硬滿而痛不可

近

大黃六錢 芒硝一合 甘遂一分

右先煮大黃去滓內硝再煮後下甘遂末温服

按已上太陽例藥也

大承氣湯治關脉實腹滿大便秘按之痛或繞臍痛

大黃 厚朴 枳實 芒硝

右呖咀水煎

按此陽明例藥也

。和解之劑

黃連湯治胸中有熱胃中有邪氣腹中痛欲嘔吐者用

此升降陰陽

黃連 甘草 乾姜 桂枝 各三錢

人參二錢 半夏半合

右呖咀水煎入大棗二枚

芍藥甘草湯

芍藥 甘草 炙

右等分呖咀水煎入生姜

元戎云腹痛脉弦傷氣用本藥 脉洪傷金加黃

芩 脉緩傷水加桂枝 脉瀉傷血加當歸 脉
遲傷火加乾姜

按已上並太陽例藥也

加減小柴胡湯治寒熱脉弦腹中痛

本方去黃芩加芍藥

四逆散治寒邪變執傳裏小便利腹中痛或泄利

甘草

枳實炒

柴胡

芍藥

右等分每半兩水煎

黃芩芍藥湯治腹痛脉洪

黃芩

白芍

甘草各等分

右以咀水煎加生薑

按已上並少陽例藥也

口雜方

芩芍四物苦棟湯治臍下虛冷腹痛

四物湯四兩玄胡

苦棟各一兩炒

右以咀每服一兩水煎服

酒煮當歸丸治小腹下痛

當歸一兩

茴香半兩

附子

良姜各七錢

右四味酒煮乾再焙

炒黃益

丁香各半兩

全蝎三錢

柴胡二錢

升麻

木香各三錢

苦棟五分 甘草炙五分 玄胡四錢

右酒煮糊丸如梧子大每二三十九粒空心白湯下

增城當歸丸治三陰受邪心腹痞痛

四物湯半兩防風

獨活

全蝎各五錢

續斷

茴香各一兩 苦棟

玄胡各七錢

木香

丁香各二錢半

右為末酒糊丸如梧子大每四五十九粒白湯下

苦棟丸治奔豚小腹痛

苦棟

茴香

附子

右三味酒煮焙乾末之每兩入玄胡半兩全蝎炒

丁香各十八箇為末酒糊丸如桐子大每五十九

食前溫酒下

熨法

見寒門

延陽丹治陰毒

牡蠣燒

不灰木燒

良姜炒

川烏炮

白芍各一錢 麝少許

右為細末每用一錢男病用女唾津調塗外腎女

病用男唾津調塗乳上

謹按已上諸方皆傷寒例法也餘屬血屬積聚屬疝等因作痛方例見各門茲不備錄

玉機微義卷之三十二

玉機微義卷之三十三

心痛門

胃脘痛附

諸經叙心痛所因

內經曰五臟卒痛何氣使然曰寒氣客於背俞之脉則血脈泣脉泣則血虛血虛則痛其俞注於心故相引而痛按之則熱氣至則痛止矣重感於寒則痛久矣

鍼經曰足太陰之脉其支者復從胃別上膈注心中是動則病舌本強食則嘔胃脘痛腹脹善噫心下急痛

胃病者腹脹胃脘當心而痛上支兩脇膈咽不通

厥心痛者乃寒邪客於心包絡也

真心痛者寒邪傷

其君也手足青至節甚則旦發夕死夕發旦死

脉經曰愁憂思慮則傷心傷心則苦驚喜忘善怒心傷者其人勞倦即頭面赤而下重心中痛徹背其脉弦此心臟傷所致也諸虫痛者如心腹痛懊懷發作腫聚往來上下行痛有休作心腹中熱善渴涎出面色乍青乍白乍赤嘔吐清水者虻咬也以手緊按而堅持之無令得移以針刺之久持之虫不動乃出針也

。脉法

脉經曰脉陰弦為心痛 心脉微急為痛微大為心痺引背 短而數心痛 瀦則心痛 脉浮大弦長者死

沉細者生也

。論心痛有熱厥寒厥不同

病機要曰諸心痛者皆少陰厥陰氣上衝也有熱厥心痛者身熱足寒痛甚則煩躁而吐額自汗出知為熱也其脉浮大而洪當灸太谿及崑崙謂表裏俱瀉之是謂熱病汗不出引熱下利表汗通身而出者愈也灸畢服金鈴子散則愈痛止服枳朮丸去其餘邪也有大實心中痛者因氣而食卒然發痛大便或秘久而注悶心胸高起按之愈痛不能飲食急以葶黃丸利之利後以葉本湯去其邪也有寒厥心痛者手足逆而通身冷汗

寒厥心痛、証治

出便溺清利或大便利而不渴氣微力弱急以木附湯
溫之寒厥暴痛非久病也朝發暮死急當救之是知久
病無寒暴病非熱也

按此論寒厥熱厥與夫大實心痛及治法已詳然亦
有病久氣血虛損及素作勞羸弱之人患心痛者皆
虛痛也故錢氏曰心虛者炒鹽補之觀圖經衍義中
具蠟治心痛則蠟粉與鹽實得之矣但世俗莫知其
妙而先哲不言此例者欲人自求之耳

○論心痛分三因

陳無擇云十二經絡外感六淫則其氣閉塞鬱于中焦

氣與邪爭發為疼痛足厥陰心痛兩脇急引小腹連陰
股相引痛手心主痛徹背心煩掌中熱咽乾目黃赤脇
滿足太陰心痛腹脹滿瀝瀝然大便不利膈閉咽塞手
太陰心痛短氣不足以息季脇空痛遺失無度胸滿煩
心足少陰心痛煩劇面黑心懸若飢胸滿腰脊痛背輸
諸經心痛心與背相引心痛徹背背痛徹心諸府心痛
難以俛仰小腹上衝卒不知人嘔吐泄瀉此皆諸經諸
俞諸府涉邪所致病屬外邪因若五臟內動泪以七情
則其氣痞結聚于中脘氣與血腹發為疼痛肝心痛者
色蒼蒼如死狀終日不得太息真心痛者云云見前脾

蠟治心痛、奇効

五勞心痛、証狀

心痛者如針錐刺其心腹蘊蘊然氣滿肺心痛者若從
心間起動作痛益甚色不變腎心痛者與背相引善惡
如物從後觸其心身偃僕胃心痛者腹脹滿不下食食
則不消皆臑氣不平喜怒憂鬱所致屬內因飲食勞逸
觸忤非類使臑氣不平痞膈于中食飲道注變亂腸胃
發為疼痛或飲啖生冷菓實中寒不能消散結而為積
遇食遷發名積心痛及其臑寒生蛇致心痛者所謂九
種心痛曰飲曰食曰風曰冷曰熱曰悸曰虫曰疰曰去
來痛者除嵐熱冷屬外所因餘皆不外更婦人惡血
入心脾經發作疼痛尤甚於諸痛更有卒中客忤鬼擊

尸疰使人心痛亦屬不外因

按此具三因病機甚詳但欠諸經病及九痛治例欲
人自擴充尔然臑病連心心病連臑及胃脘痛結胸
之不同久新淫鬱之異隨其所甚者為療故宜其無
所定之法也矧有七情九種之致者丹谿先生亦曰
凡心膈之痛須分久新若明知身受寒氣口食寒物
而病於初得之時當用溫散或溫利之藥若其病得
之稍久則成鬱矣鬱則凝執執必生火原病式中
備言之矣若欲行溫利溫散無助火添病耶由是
古方中多以山梔為執藥之鄉導則邪易伏病易退

心膈之痛須分久新

平日喜熱食死血留
胃口作痛之說

三格卷之三十三

心疾

然向安之後若縱恣口味病必復作凡治此病必要
先問平日起居何如假如心痛有因平日喜食熱物
以致死血留於胃口作痛者用桃仁承氣湯下之若
此等例皆前人所未舉也學者識之

心痛治法

○治寒之劑

金匱赤石脂九治心痛徹背背痛徹心

烏頭一分炮附子半兩炮蜀椒

乾姜

赤石脂各一兩

右為末蜜丸如梧子大食後湯下一九日三服

九痛丸治九種心痛兼卒中惡腹脹痛

附子三錢炮人參

乾姜

吳茱萸各錢

生狼牙一錢巴豆一錢去皮心葵研如脂

右六味為末煉蜜丸如梧子大酒下強者初服三

丸

三因倉卒散治氣自腰腹間攻心變急痛不可忍腹中

冷白汗如洗手足冷

山梔四十九箇連皮燒半

附子一箇炮去皮切臍

右為末每二錢酒一盞入鹽少許煎溫服

元戎木附湯治寒厥暴痛脉微氣弱

三義卷之三十三

心痛

五

甘草 多一兩 白朮 四兩 附子 炮去皮臍切片一兩

右咬咀每三錢入姜棗煎服

宣明神砂一粒丹治一切厥心痛

附子 炮 藜蘆 姜紅各半兩

右為末醋麪糊丸如酸棗大以朱砂為衣每服一

丸男子酒下婦人醋湯下

按已上出少陰例藥也

機要彙本湯治大實心痛大便已利宜此服之

藥本半兩 蒼朮一兩

右為粗末水煎服清

按此足太陰太陽藥也

東垣麻黃豆蔻丸治客寒犯心胃大痛下可忍

麻黃 不去節一錢 草豆蔻 五錢 益智仁 八分

炒麴 二錢 升麻 半夏 麥蘖

砂仁 黃芪 白朮 陳皮

柴胡 炙甘草 吳茱萸 當歸身 各半錢

青皮 木香 厚朴 畢澄茄 各四分

紅花 二分 蘇木 三分

右為末湯浸蒸餅為丸如桐子大每三十九溫水

下或細嚼

按此出太陽例又氣血之劑也

○治熱之劑

大陷胸湯治熱結胸中脉沉而緊心下痛按之石硬

大黃六錢

芒硝半合

甘遂二分

右先煮大黃後下硝遂末取溫服

按此陽明例藥也

機要金鈴子散治熱厥心痛或發或止久不愈者

金鈴子

玄胡各一兩

右為末每服二三錢酒調下溫湯亦得

瑞竹堂方應痛尤治心痛不可忍者

好茶末

四兩棟乳香二兩

右為末用臘月兔血和丸如雞頭大每服一九溫

醋湯下

按此二方少陰經藥也

○調血之劑

元戎四神湯治婦人血虛心腹疔痛

本方減地黃加乾姜

濟生愈痛散治急心痛胃脘痛

五靈脂

玄胡索炒

莪朮

良姜

當歸

右等分爲末每二錢熱醋湯調下不拘時候服

錢觀文方治心脾疼

當歸八兩 白朮一兩

右爲末沸湯點服一二錢

丹谿方治死血胃脘痛者

玄胡索半兩 滑石

桂各半兩

桃仁三十箇

紅花

紅麴

右爲末湯浸蒸餅丸

按已上並取陰例藥也治血虛血實例各不同宜選

用

○理氣之劑

局方蘇合香丸治疰忤鬼氣卒心痛

方見氣門

按此厥陰例藥也然世俗多用蟾慈散方見疰門宜

較輕重選使

元戎立雁散治心腹急痛

香附子炒 良姜等分

右爲細末每二錢湯點服

濟生加味七氣湯治七氣爲病及外感風寒爲心痛

半夏王制

玄胡索炒

桂各一兩

人參

甘草 各半兩 乳香 三錢

右吹咀每四錢入姜煎

按已上大陰例藥也

。理氣調血之劑

楊氏方卻痛散治心氣冷痛不可忍

五靈脂 蒲黃半炒一兩 當歸

石菖蒲 木香 桂各一兩 川烏炮七錢

右吹咀每四錢入鹽醋少許煎

按此出厥陰例藥也

右一選方手拈散治心脾疼

草果 玄胡索 五靈脂 沒藥

右等分每三錢溫酒調下

宣明沒藥散治一切心肚疼痛不可忍者

沒藥 乳香各三錢 川山甲絆兩 木鱉子四錢

右為末每半錢至一錢酒大半盞同煎溫服

○消導之劑

元戎厚朴丸治大實心痛 方見積聚門

百一選方姜橘丸治中酒惡心心脾痛嘔逆

生姜一斤 青皮 砂仁

木香各三分 菽朮一兩 甘草炙 陳皮一兩半

右為末煉蜜丸杵千下丸如櫻桃大每九盞湯下
易簡感應丸治酒積食積痰積為患心腹疝痛

丁香 木香 豆蔻 乾姜

巴豆 杏仁 百草霜

右用見成丸子半兩入巴豆十箇去殼研成膏用
烏梅三箇蒸過去肉三件一處研令極勻丸如菜
豆大每服三五丸溫水下

丹谿方治痰飲積胃脘痛

蒼木 山梔 螺師殼 播上年久者燒

滑石 炒 香附 南星 各一兩 枳殼

青皮 木香 半夏 砂仁 各半兩

右為末生姜汁浸蒸餅丸如菜豆大每三四十九

姜湯下 春加川芎 夏加黃連 秋加芍藥

冬加豆豉更半兩

按已上出太陰例藥也

治虫之劑

三因集効丸治臟腑虛弱或多甘肥致動作心腹絞

痛

木香 鶴虱 炒 檳榔 訶子 煨去核

無名 炒 附子 炮 乾姜 炒 各七 大黃 兩半 炒

春散散
秋散散
冬溫少陰

右為末蜜丸如梧子大每三十九食前橘皮湯下
婦人醋湯下

按此陽明例藥也姑錄此以備其例

雜方

衍義方銅青一味淡醋湯調此小服之

集錄方荔枝核一味燒存性為末用醋湯調下一錢
失笑散治心腹痛百藥不効

五靈脂

蒲黃各等分

右為末先以醋調二錢熬成膏入水一盞食前溫服
王機微義卷之三十三

王機微義卷之三十四

六頭痛門

論厥頭痛真頭痛

靈樞云厥頭痛取足六經手少陰真頭痛頭痛其腦盡
痛手足寒空節死不治許兄厥病篇

難經云手三陽之脉受風寒伏留而不去則名厥頭痛
入連在腦者名真頭痛

按靈樞有厥頭痛之名而不指何邪為病至難經始
言風寒伏留不去而三因嚴氏論云氣血俱虛風寒
暑濕之氣所侵傳於陽經伏留不去名曰厥頭痛蓋

厥者逆也逆壅而衝於頭也痛引腦巔陷至泥丸宮者名真頭痛非藥之能愈夕發旦死旦發夕死責根氣先絕也斯言得之矣

○頭痛脈法

內經云寸口脈中短者曰頭痛

脈經云陽弦則頭痛又云寸口脈浮中風發熱頭痛

脈緊頭痛是傷寒脈緊上寸口者風頭痛

脈訣云頭痛短濇應須死浮滑風痰皆易除

○傷寒頭痛

活人書云頭痛者揚登也太陽證頭痛發熱惡寒無汗

三陽經頭痛之奇治

麻黃湯有汗桂枝湯若已發汗未發汗頭痛如破者連翹葱白湯不止者葛根葱白湯陽明證頭痛不惡寒反惡熱胃實也調胃承氣湯少陽頭痛小柴胡湯太陰少陰並無頭痛之證仲景只有厥陰一證是茱萸湯

按傷寒以足三陽經上行至頭并厥陰與督脈會于巔故止言四經頭痛若雜病所感者諸經皆能頭痛也活人用葱白湯以通上下之陽氣也

○諸經內外頭痛用藥法

太陽頭痛惡風寒川芎少陽頭痛往來寒熱脈弦柴

胡陽明頭痛自汗發熱惡熱白芷太陰頭痛體重

頭痛脈之源

此言通上下之陽氣

諸經頭痛之奇治

氣虛頭痛
當飯

痿痺腹痛半夏 少陰頭痛三陰三陽經不流行而足

寒逆為寒厥頭痛細辛 厥陰頭痛項痛脉微浮緩欲

入太陽其疾痊然亦當用川芎 實鑑作藜本 一作吳茱萸 氣虛頭痛

黃芪血虛頭痛當歸 寶鑑作川 下同 諸氣血俱虛頭痛黃芪

當歸 傷寒太陽頭痛麻黃湯桂枝湯 陽明頭痛白

虎湯 少陽頭痛柴胡湯 太陰頭痛脉浮桂枝湯脉

沉理中湯 少陰頭痛脉沉微熱麻黃附子細辛湯

厥陰頭痛 外傷本經桂枝麻黃各半湯 嘔而微吐

水吳茱萸湯

存之

東垣頭痛論

金匱真言論云東風生於春病在肝俞在頭項故春氣

者病在頭又諸陽會於頭面如足太陽之脉病衝頭痛

足少陽之脉病頭角頭痛夫風從上受之風寒傷上邪

從外入客於經絡令人振寒頭痛身重惡寒治在風池

風府調其陰陽不足則補有餘則瀉汗之則愈此傷寒

頭痛也頭痛耳鳴九竅不利者脾胃之所生乃氣虛頭

痛也心煩頭痛者病在膈中過在手巨陽少陰乃濕熱

頭痛也如氣上不下頭痛顛疾者下虛上實也過在足

頭痛耳鳴九竅不利
利腸胃之師生氣虛

少陰巨陽甚則入腎寒濕頭痛也如頭半寒痛者先取
手少陽陽明後取足少陽陽明此偏頭痛也有真頭痛
甚則腦盡痛手足寒至節者死不治有厥逆頭痛者所
犯大寒內至骨髓髓者以腦為主腦逆故令頭痛齒亦
痛凡頭痛者木也風則溫也治以辛涼秋尅春之意故
頭痛皆以風藥治之者總其大體而言之高巔之上惟
風可到故味之薄者陰中之陽乃自地升天者也然有
三陰三陽之異故太陽頭痛脉浮緊惡風寒川芎羌活
獨活麻黃之類為主少陽經頭痛脉弦細往來寒熱柴
胡為主陽明頭痛身熱自疼鼻乾惡寒發熱惡熱其脉

為室訓解
立方之大法說

浮緩而長升麻湯或石膏白芷為主太陰頭痛必有痰
體重或腹痛為痰癥其脉沉緩蒼木半夏南星為主少
陰經頭痛三陰三陽經不流行而足寒氣逆為寒厥其
脉沉細麻黃附子細辛湯為主厥陰頭痛項痛或痰吐
涎沫厥冷其脉浮緩吳茱萸湯主之諸血虛頭痛當歸
川芎為主諸氣虛頭痛人參黃芪為主為主者主治也
無見何證以佐使藥治之此立方之大法也氣血俱虛
頭痛者於調中益氣湯中少加川芎蔓荊子細辛其効
如神半夏白朮天麻湯治痰厥頭痛藥也青空膏乃風
濕熱頭痛藥也羌活附子湯厥逆頭痛藥也如濕氣在

頭者以苦吐之不可執方而治

按此論頭痛至為詳悉首言傷寒內傷頭痛歷引內經以明濕熱寒濕偏頭痛真頭痛厥逆頭痛等證細分六經用藥之法後世無以加矣

論三陽受病頭痛

子和云頭痛不止乃三陽受病也三陽分部分頭與項痛者足太陽經也攢竹痛俗呼為眉虎骨痛者是也額角上痛俗呼為偏頭痛者足少陽經也如痛久不已則令人喪目以三陽受病皆胸膈有宿疾之致然也先以茶調散吐之吐訖可服川芎薄荷辛涼清上之藥叔和

云寸脉急而頭痛是也

按此云頭痛乃三陽受病皆胸膈有痰之致乃指病之壅鬱於上而言也內經云春氣者病在頭蓋天氣在上知病氣亦升於上也吐之所以宣達在上之邪仲景云大法春宜吐是也此亦治頭痛之一法但不可專執於此

論頭痛屬火熱之病

子和云丹陽僧病頭熱痛不散見明以布圍其頭上置冰於其中日易數次戴人曰此三陽蓄熱故也乃置炭火於暖室中出汗涌吐三法併行七日而愈

一婦人偏頭痛五七年大便結燥兩目赤腫眩運世之
頭風藥無不服其頭上針灸數千百矣一日戴人診其
脉急數而有刀風熱之甚也此頭角痛是三焦相火之
經乃陽明燥金勝也燥金勝肝則肝氣鬱肝氣鬱則
氣血壅氣血壅則上下不通故燥結於裏尋至失明治
以大承氣湯令河水煎二兩加芒硝一兩煎成頓令分
三五服下泄如湯二十餘行次服七宣丸神功丸以潤
之渡稜葵菜猪羊血以滑之三劑之外目豁首輕燥澤
結釋而愈

按此所治之疾既已多年不解豈非風濕熱三氣鬱

滯膠固而然哉故其所施之法雖峻而於中病之情
則得也又論頭風之甚者久則目昏偏頭風者少陽
相火也久則目束少大便秘澀皆宜出血而大下之
出血之義是即開鬱解表也

謹按頭痛之證其原甚多東垣之論可謂詳矣然自
外而致者有風寒暑濕之異若仲景之傷寒東垣分
六經之類皆是也自內而致者有氣血痰飲五臟氣
鬱之異東垣論氣虛血虛痰厥頭痛之類皆是也大
抵四淫皆外邪隨其風寒濕熱多少而治於外也氣
血痰飲五臟之證皆內邪亦宜隨其血氣痰飲七情

外隨四淫多少皆
內隨七情痰火諸

內火分虛實寒熱而調其內以治於外也然氣血虛
而用補宜東垣之論若三因等方用附子以治氣虛
此則從陽虛立意非人身平和之血氣也若夫久年
偏正頭風者多因內挾痰涎風火鬱遏經絡氣血壅
滯之證然亦有血虛者須宜分別以治之

入頭痛治法

○治風之劑

局方川芎茶調散治諸風上攻偏正頭疼

方見傷風門

秘藏澈清膏

川芎

薄荷葉各

三分 葉本一錢

甘草生五分

甘草炙五分 蔓荊子

細辛各一分

右爲末每二錢食後茶清下

按此手足少陽厥陰太陽少陰經藥也

元戎治三陽頭痛

羌活

防風

荊芥

升麻

葛根

白芷

石膏

柴胡

川芎

芍藥

細辛

蔥白連鬚

若陰證頭痛只用溫中藥足矣如理中姜附輩此
則專治三陽頭痛也

治風寒之劑

仲景麻黃湯治太陽傷寒頭痛無汗

桂枝湯治太陽傷風頭痛有汗

二方並見傷寒門

局方如聖餅子治風寒伏留陽經氣厥痰飲頭痛

防風 天麻各半兩 南星 乾姜

川芎 甘草炙各 半夏半兩 川烏去破

右為末蒸餅糊九捻作餅子每五餅同荆芥穗細

嚼黍清下

按此足三陽經藥也

秘藏羌活附子湯治冬月大寒犯腦令人腦痛齒亦痛

名曰腦風

麻黃不去節 黑附子 防風 白芷

白殭蚕 黃栢各二分 羌活 蒼木各五分

升麻二分 黃芪一分 甘草二分 佛耳草三分

右吹咀水煎服

按此手足太陽陽明大陰經藥也

寶鑑川芎神功散治風熱上攻偏正頭痛

川芎 川烏 白芷 南星

麻黃各半兩 甘草一分

右為末每服三錢姜水煎服

按此手足少陽厥陰手陽明太陰經藥也

三因方辛湯治傷風寒生冷及氣虛痰厥頭疼如破魚

眩暈嘔吐

附子祛肢麻烏頭生

天南星 乾姜

甘草炙

川芎

細辛各等分

右剉散每四錢姜五片茶芽少許煎服

按此足少陽經藥也

嚴氏小方辛湯治風寒在腦或感邪濕頭重頭疼眩暈

嘔吐

川芎一兩

細辛

白朮

甘草煨各五

右咬咀每四錢生姜五片茶芽少許煎服

局方加減三五七散治風寒入腦陽虛頭痛

山茱萸去核細辛一斤半 乾姜炮三斤 防風四斤

附子三十五箇炮去皮脯 茯苓去皮三斤

右為末每二錢温酒調下

按已上二方亦足少陰經藥也

○治風熱之劑

秘藏清空膏治偏頭疼年深不愈者及療風濕熱頭痛

上壅損目

三才卷之三十四
豆種尸
羌活

防風各一兩柴胡七錢

川芎五錢

甘草炙一兩

黃連炒一兩

細梃子黃芩三兩

半炒

右為末每服二錢七熱茶調如膏抄在口內少用
白湯送下 如苦頭痛加細辛分如太陰脉緩有

痰減去羌活防風川芎甘草加半夏一兩如偏頭
痛服之不愈減防風羌活川芎一半加柴胡倍如
陽明頭痛只與白虎湯中加白芷

按此足三陽經藥也

川芎散治頭目不清利

川芎三分

羌活

防風

藜蘆

升麻

甘草各一錢黃芩炒

黃連各四錢
用酒洗

生地黄二錢柴胡七分

右為末每服一二錢茶清調下

按此亦三陽經藥也

細辛散治偏正頭疼

細辛二分 川芎七分 柴胡二錢

瓦粉二錢 炙甘草半錢黃連七分

右吹咀每服三錢水煎服

按此少陽少陰太陰經藥也

寶鑑石膏散治頭疼

三才卷之三十四

頁四百

十

川芎

石膏

白芷 各等分

右為末每服四錢熱茶清調下

按此陽明少陽經藥也已上東垣治風熱頭痛諸方
多不同者以其有截府經絡之異也今不詳載其方
然有用羌活防風川芎柴胡升麻葉本細辛之異者
行各經也有用黃芩黃連黃柏知母石膏生地黃之
異者分各截瀉火也用澤瀉茯苓者導濕也又使邪
氣自天而降也用黃芪者補氣行氣也各隨病而增
損之意不可拘執也

○治濕之劑

三因膏木湯治濕着頭重眩暈痛極

川芎

白朮

附子 生去皮尖各半兩

桂心

甘草 各一分

右咬咀每服四錢姜七片棗一枚同煎食前服
按此足少陰經藥也治寒濕之藥有熱者不治

○痰厥頭痛之劑

秘藏半夏白朮天麻湯治素有脾胃之證時顯煩燥大
便不利又出入為寒氣所鬱悶亂大作火鬱不伸故
也醫疑有執服疎風丸下之元証不減復添嘔逆食
不能停痰唾稠粘湧出不止眼澁頭旋惡心煩悶寐

金針各經之凡葉
厚名經之火毒劑
道字經之疾劑

用為補氣之意也

短促上喘無氣力目不敢開如在風雲中頭苦痛如裂身重如山四肢厥冷是胃氣已損復下兩次重虛脾胃病名曰痰厥頭痛

半夏

大麥麩各半白朮

炒麩各一錢

天麻

黃芪

人參

蒼朮

陳皮

澤瀉

茯苓

各半錢乾姜三分

黃柏二分

此頭痛苦甚為足太陰痰厥頭痛非半夏不能療目黑頭旋風虛內作非天麻不能除詳見試效方

家珍水者金花丸治頭痛每發時兩頰香黃眩暈目不

欲開懶欲言語身重兀兀欲吐數日方過此厥陰太陰合而為病名曰風痰服此藥更灸俠谿二穴不旬日愈

局方王壺丸加雄黃白朮以治風濕

按此出太陰嘔噦例治風痰之藥也

嚴氏三生丸治痰厥頭痛

半夏

白附子

南星各一分

右為細末生薑自然汁浸蒸餅為丸如菉豆大每服四十九丸食後姜湯下

按此藥出厥陰南星半夏例亦治風痰之藥也

寶鑑茯苓半夏湯治風熱痰逆嘔吐頭痛

大半夏三枚 赤茯苓一分 黃芩 甘草

陳皮各一分

右剉姜三片煎

按此手足太陰經藥治痰挾熱之藥也其治痰挾寒之藥與治風寒之劑相類者采之

○補氣之劑

寶鑑順氣和中湯治年高氣弱清氣不能上升頭面昏悶本無表邪因發汗數次清陽之氣愈盡故苦頭痛惡風不喜飲食氣短脈弱弦細而微宜升陽氣

黃芪一錢半 人參一錢 白朮 陳皮

當歸 白芍五分 甘草七分 升麻

柴胡各三分 川芎 細辛 蔓荊子各二分

右剉作一服水煎食後服

頭上有熱痛者蔓荊子細切四味不忌治之

按此即補中益氣湯加減法也內傷頭痛本方加蔓荊子三分痛甚加川芎二分頭痛腦痛加藁本三分若苦頭痛者加細辛二分諸頭痛併用此四味足矣若頭上有熱則此不能治當以清空之劑

○補血之劑

機要四物湯治頭疼

三錢長之二三四一

頁三

四物湯中倍加川芎

元戎古方治頭痛欲裂

當歸二兩酒一升煮取六合

按此二方並出欺陰例藥也

○搐藥

本事方治八般頭風

草烏尖

細辛各等分

右以黃丹少許為末搐入鼻中立效

秘方治頭痛不可忍

玄胡索七枚猪牙皂角肥實者二筒

青黛二錢

右為末水丸成小餅子如杏仁大用時令病者仰
卧以水化開用竹管送入男左女右鼻中覺藥至
喉少酸令病者坐却令咬定銅錢一箇於當門齒
當見涎出成盆即愈

三因搐鼻藥

萘撥

良姜各二分白芷二錢

細辛五分

右為末每眼一小字先含水一口分搐鼻內吐水

即止

秘藏搐鼻鬱金散治風熱頭痛

石膏

芒硝

白芷各二錢鬱金一錢

可得治頭痛之主藥

右研勻為末用生姜自然汁煮糊為丸如桐子大
每服四十九食前米飲下

按頭痛古人多從風而議治故其藥雖有辛平辛涼
辛溫辛熱之殊大抵皆於解散之中分所挾之寒熱
耳至於傷寒頭痛仲景論中亦詳茲不詳載但內因
痰厥氣虛血虛頭痛之類東垣雖有論有方學者亦
宜隨病審機而用藥亦難拘於所錄之方以盡其變也
又嚴氏治氣虛頭痛用附子治腎厥頭痛用硫黃等藥
本出三因之論其義皆本切當今姑存之以備其說耳

玉機微義卷之三十四



之中分所挾之寒熱
詳茲不詳載但內因
雖有論有方學者亦
錄之方以盡其變也
厥頭痛用硫黃等藥
姑存之以備其說耳







